



**KAEDAH-KAEDAH
BURSA MALAYSIA
BONDS SDN BHD**

INDEKS

BAB

BAB 1	TAKRIF DAN TAFSIRAN	
Kaedah	101	TAKRIF
	101.1	TAKRIF
Kaedah	102	TAFSIRAN
	102.1	TAFSIRAN
BAB 2	PENTADBIRAN	
Kaedah	201	PELAKSANAAN KUASA
	201.1	PELAKSANAAN KUASA
	201.2	PELANTIKAN JAWATAN KUASA DSB
	201.3	FI DAN CAJ
Kaedah	202	KUASA BURSA BONDS DALAM SITUASI KECEMASAN
	202.1	KUASA DALAM SITUASI KECEMASAN
Kaedah	203	BURSA MALAYSIA SEBAGAI SYARIKAT PEMEGANGAN
	203.1	KUASA BURSA MALAYSIA SEBAGAI SYARIKAT PEMEGANGAN
Kaedah	204	LIABILITI
	204.1	LIABILITI BURSA BONDS
Kaedah	205	NOTIS ATAU PEMBERITAHUAN
	205.1	NOTIS ATAU PEMBERITAHUAN YANG DITERBITKAN
Kaedah	206	PERTIKAIAN
	206.1	PERTIKAIAN ANTARA PERSERTA-PESERTA DENGAN BURSA BONDS
	206.2	TIMBANG RASA
Kaedah	207	NOTIS DATA PERIBADI
	207.1	NOTIS DATA PERIBADI
BAB 3	PENYERTAAN	
Kaedah	301	AM
	301.1	KELAS-KELAS PENYERTAAN
	301.2	KELAKUAN
Kaedah	302	ANGGOTA PESERTA DAGANGAN (TPM)
	302.1	KEHENDAK-KEHENDAK BAGI PESERTA SEBAGAI TPM
	302.2	AKSES
	302.3	PENDAFTARAN
	302.4	PEMINDAHAN
	302.5	PERLETAKAN JAWATAN
	302.6	PENGGANTUNGAN ATAU PENAMATAN AKSES

	Kaedah	303	AHLI PESERTA PELAKSANAAN (TPM)
		303.1	KEHENDAK BAGI PESERTA SEBAGAI EPM
		303.2	AKSES
		303.3	PENDAFTARAN
		303.4	PEMINDAHAN
		303.5	PELETAKAN JAWATAN
		303.6	PENGGANTUNGAN ATAU PENAMATAN AKSES
	Kaedah	304	ANGGOTA PESERTA UMUM (GPM)
		304.1	KEPERLUAN BAGI PENYERTAAN SEBAGAI GPM
		304.2	AKSES
		304.3	PENDAFTARAN
		304.4	PEMINDAHAN
		304.5	PELETAKAN JAWATAN
		304.6	PENGGANTUNGAN ATAU PENAMATAN PENYERTAAN
	Kaedah	305	PENGEDARAN MAKLUMAT DARIPADA ETP
		305.1	PENGEDARAN MAKLUMAT
BAB 4	KEMUDAHAN-KEMUDAHAN YANG TERSEDIA DALAM ETP		
	Kaedah	401	KEMUDAHAN-KEMUDAHAN YANG TERSEDIA DALAM ETP
		401.1	KEMUDAHAN-KEMUDAHAN YANG TERSEDIA DALAM ETP
		401.2	KEMUDAHAN-KEMUDAHAN PAPARAN
	Kaedah	402	KAEDAHA-KAEDAHA AM TENTANG FUNGSI PERDAGANGAN
		402.1	FUNGSI-FUNGSI PERDAGANGAN
		402.2	FUNGSI-FUNGSI PERDAGANGAN OLEH TPM
		402.3	FUNGSI-FUNGSI PERDAGANGAN OLEH EPM
		402.4	FUNGSI-FUNGSI PERDAGANGAN OLEH WAKIL-WAKIL ANGGOTA
		402.5	PERDAGANGAN KELOMPOK
	Kaedah	403	PENGGANTUNGAN ATAU PEMBERHENTIAN FUNGSI PERDAGANGAN
		403.1	KEADAAN-KEADAAN BAGI PENGGANTUNGAN SAHAM
		403.2	KEADAAN-KEADAAN BAGI PENGGANTUNGAN ATAU PEMBERHENTIAN FUNGSI PERDAGANGAN
	Kaedah	404	PEMBATALAN DAGANGAN
		404.1	KEADAAN-KEADAAN
BAB 5	PADANAN AUTOMATIK		
	Kaedah	501	PADANAN AUTOMATIK
		501.1	AM
	Kaedah	502	WAKTU PERDAGANGAN BAGI PADANAN AUTOMATIK
		502.1	WAKTU DAGANGAN
	Kaedah	503	KEMASUKAN PESANAN UNTUK PADANAN AUTOMATIK
		503.1	JENIS PESANAN

	503.2	KEMASUKAN PESANAN UNTUK PADANAN AUTOMATIK
	503.3	KEUTAMAAN PADANAN
	503.4	KONTRAK MUKTAMAD DAN MENGIKAT
	503.5	MAKLUMAT SAHAM DI BAWAH PERDAGANGAN KELOMPOK
	503.6	LARANGAN PERDAGANGAN PIHAK YANG SAMA
Kaedah	504	PINDAAN DADGANGAN
	504.1	HAL KEADAAN
Kaedah	505	PENJUALAN SINGKAT DALAM ETP
	505.1	PENJUALAN SINGKAT
Kaedah	506	PERTUKARAN NAMA
	506.1	PERTUKARAN NAMA
	506.2	TIADA PEMBATALAN DAGANGAN ASAL
Kaedah	507	FI DAGANGAN
	507.1	FI DAGANGAN
BAB 6	IKLAN DAN PERUNDINGAN	
Kaedah	601	IKLAN
	601.1	AM
	601.2	AMAUN MINIMUM
	601.3	PENHANTAR SERAHAN DAN PENYELESAIAN
Kaedah	602	PERUNDINGAN
	602.1	AM
	602.2	CATATAN SEBUT HARGA
	602.3	PENHANTAR SERAHAN DAN PENYELESAIAN
	602.4	PENYELESAIAN DAGANGAN MELALUI PERUNDINGAN
	602.5	TIADA PEMBATALAN
Kaedah	603	PINDAAN-PINDAAN DAGANGAN
	603.1	KEADAAN-KEADAAN
Kaedah	604	FI
	604.1	FI
Kaedah	605	WAKTU PERUNDINGAN
	605.1	WAKTU PERUNDINGAN
BAB 7	PELAPORAN DAN PENGESAHAN TRANSAKSI LUAR ETP	
Kaedah	701	PELAPORAN DAN PENGESAHAN TRANSAKSI LUAR ETP
	701.1	AM
	701.2	PELAPORAN OLEH TPM
	701.3	PELAPORAN OLEH EPM
Kaedah	702	WAKTU PELAPORAN DAN PENGESAHAN
	702.1	MASA UNTUK PELAPORAN DAN PENGESAHAN DAGANGAN

Kaedah	703	PELAPORAN DAN PENGESAHAN TRANSAKSI LUAR ETP
	703.1	PELAPORAN DAN PENGESAHAN TRANSAKSI LUAR ETP
	703.2	PELAPORAN TRANSAKSI LUAR ETP JIKA SAHAM DIGANTUNG DALAM ETP
	703.3	PELAPORAN TRANSAKSI LUAR ETP SEPANJANG TEMPOH PENGGANTUNGAN ATAU PEMBERHENTIAN KEMUDAHAN DAN KEGAGALAN SISTEM
	703.4	PELAPORAN TRANSAKSI LUAR ETP JIKA AKSES TPM ATAU EPM KEPADA KEMUDAHAN DALAM ETP DIGANTUNG ATAU DITAMATKAN
Kaedah	704	PINDAAN DAN PEMBATALAN LAPORAN TRANSAKSI LUAR ETP DALAM ETP
	704.1	PINDAAN LAPORAN TRANSAKSI LUAR ETP
	704.2	PEMBATALAN LAPORAN TRANSAKSI LUAR ETP
BAB 8	PENGUMUMAN DALAM ETP	
Kaedah	801	PENGUMUMAN
	801.1	AM
	801.2	TEMPOH SAH PENGUMUMAN
	801.3	WAKTU PENGUMUMAN
	801.4	KEGAGALAN SISTEM
Kaedah	802	OBLIGASI BERHUBUNG DENGAN PENGUMUMAN
	802.1	OBLIGASI
Kaedah	803	PENGGANTUNGAN PENGUMUMAN
	803.1	HAL KEADAAN
BAB 9	TINDAKAN BAGI PELANGGARAN	
Kaedah	901	KUASA
	901.1	KUASA
	901.2	PEMBERITAHUAN
Kaedah	902	RAYUAN
	902.1	HAK RAYUAN

LAMPIRAN

LAMPIRAN 1	SURAT AKU JANJI
------------	-----------------

JADUAL

JADUAL 1 (Bab 2) [Kaedah 201.3(1)]	FI DAN CAJ
JADUAL 2 (Bab 4) [Kaedah 402.5(1)]	INSTRUMEN KEWANGAN BAGI DAGANGAN KELOMPOK
JADUAL 3 (Bab 5) [Kaedah 501.1(2)]	INSTRUMEN KEWANGAN BAGI PERDAGANGAN JUAL BELI MUTLAK SEWAKTU TERBITAN

BAB 1

TAKRIF DAN TAFSIRAN

KAEDAH 101

TAKRIF

KAEDAH 101.1 TAKRIF

- (1) Dalam Kaedah-kaedah ini, melainkan jika konteks menghendaki makna yang lain atau terdapat maksud yang lain-

“padanan automatik”	ertiinya proses yang disebut dalam Kaedah 501.1(1).
“Pengiklanan”	ertiinya proses yang disebut dalam Kaedah 601.1(1).
“Pengumuman”	ertiinya proses yang disebut dalam Kaedah 801.1.
“Kelompok”	ertiinya suatu kumpulan saham yang penyerahan dan penyelesaian berhubung dengan mana-mana saham dalam kumpulan itu, boleh dibuat berdasarkan persetujuan antara kaunterparti.
“Bank Negara Malaysia”	ertiinya Bank Negara Malaysia, pertubuhan perbadanan yang ditubuhkan di bawah Akta Bank Negara Malaysia 1958.
“Bursa Bonds”	ertiinya Bursa Malaysia Bonds Sdn Bhd, syarikat yang ditubuhkan di bawah Akta Syarikat 1965 yang mengendalikan ETP.
“Bursa Malaysia”	ertiinya Bursa Malaysia Berhad yang merupakan syarikat pemegangan Bursa Bonds.
“TPM yang membeli”	dalam konteks Kaedah-kaedah ini, termasuk TPM yang meminjam.
“EPM yang membeli”	dalam konteks Kaedah-kaedah ini, termasuk EPM yang meminjam.
“Akta Pasaran Modal dan Perkhidmatan”	ertiinya Akta Pasaran Modal dan Perkhidmatan 2007.

“Lesen Perkhidmatan Pasaran Modal”	mempunyai erti yang sama sebagaimana diberikan kepadanya dalam Akta Pasaran Modal dan Perkhidmatan.
“Lesen Wakil Perkhidmatan Pasaran Modal”	mempunyai erti yang sama sebagaimana diberikan kepadanya dalam Akta Pasaran Modal dan Perkhidmatan.
“Klien”	ertinya orang yang bagi pihaknya TPM atau EPM menjalankan Fungsi-fungsi Perdagangan atau mana-mana orang yang TPM atau EPM sebagai prinsipal membuat atau akan membuat transaksi dalam instrumen kewangan.
“Maklumat Klien”	ertinya nama Klien, petunjuk pemastautin atau bukan pemastautin, nombor akaun dan apa-apa maklumat lain sebagaimana ditetapkan dalam Arahan-arahan.
“menutupkan”	ertinya penyerahan saham yang dibeli oleh TPM atau EPM untuk menutup suatu pinjaman yang dibuat untuk jualan singkat.
“Suruhanjaya”	ertinya Suruhanjaya Sekuriti.
“Arahan-arahan”	ertinya arahan-arahan yang diterbitkan dari masa ke masa oleh Bursa Bonds berhubung dengan apa-apa perkara yang dikawal oleh Kaedah-kaedah ini, termasuk apa-apa manual, pemberitahuan, terma-terma dan syarat-syarat yang diberikan kepada mana-mana kelulusan atau tindakan yang diambil oleh Bursa Bonds.
“ETP”	ertinya Platform Perdagangan Elektronik yang diwujudkan oleh Bursa Bonds dan diluluskan sebagai Kemudahan Elektronik Berdaftar di bawah Akta Pasaran Modal Dan Perkhidmatan yang menyediakan kemudahan-kemudahan yang diperincikan dalam Kaedah 401.1.
“Anggota Peserta Pelaksanaan”	ertinya orang yang telah diterima sebagai Anggota Peserta Pelaksanaan mengikut Kaedah-kaedah ini dan belum, atas apa-apa sebab, terhenti daripada menjadi Anggota Peserta Pelaksanaan.
“FAST”	

“instrumen-instrumen kewangan”	ertinya Sistem Automatik Sepenuhnya untuk Penerbitan/Penawaran yang dikendalikan oleh Bank Negara Malaysia.
“Anggota Peserta Am”	ertinya semua instrumen hutang yang diterbitkan dalam FAST.
“Terbitan Pelaburan Kerajaan”	ertinya orang yang telah diterima sebagai Anggota Peserta Am mengikut Kaedah-kaedah ini dan belum, atas apa-apa sebab, terhenti daripada menjadi Anggota Peserta Am.
“I”	ertinya bon tanpa faedah jangka panjang yang diterbitkan berdasarkan prinsip-prinsip Islam oleh Kerajaan Malaysia.
“Pesanan Berhad”	ertinya pesanan yang dilaksanakan pada harga atau hasil yang dimasukkan atau harga atau hasil yang lebih baik.
“Sekuriti Kerajaan Malaysia”	ertinya bon jangka panjang berfaedah yang diterbitkan oleh Kerajaan Malaysia.
“hari pasaran”	ertinya hari yang Bursa Bonds dibuka untuk perdagangan dalam instrumen kewangan, yang boleh termasuk Cuti Peristiwa.
“Wakil Anggota”	ertinya pemegang Lesen Wakil Perkhidmatan Pasaran Modal bagi urusan berniaga dalam sekuriti hutang tak tersenarai dan anggota Persatuan Pasaran Kewangan Malaysia yang digajikan atau diambil kerja sama ada oleh TPM atau EPM untuk menjalankan urus niaga dalam instrumen-instrumen kewangan bagi pihak TPM atau EPM.
“Perundingan”	ertinya proses dalam Kaedah 602.1(1).
“Transaksi Luar ETP”	ertinya apa-apa jenis transaksi dalam mana-mana instrumen kewangan yang dilaksanakan oleh TPM atau EPM di luar ETP.
“Dagangan Jual Beli Mutlak”	ertinya perjanjian yang melaluinya satu pihak menawarkan untuk menjual instrumen

kewangan kepada pihak satu lagi yang bersetuju untuk membeli instrumen kewangan tersebut.

“Peserta-peserta”

ertinya Anggota-angota Peserta Perdagangan, Anggota-angota Peserta Pelaksanaan dan Anggota-anggota Peserta Am sama ada secara bersama atau tunggal jika konteksnya membenarkan.

“Persatuan Pasaran Kewangan Malaysia”

ertinya persatuan yang pada masa ini ditubuhkan di bawah Akta Pertubuhan 1966 bagi pendaftaran semua Wakil Anggota.

“Sekuriti Hutang Swasta”

ertinya semua sekuriti hutang perbadanan-perbadanan yang diterbitkan dalam FAST berdasarkan prinsip-prinsip konvensional atau Syariah sama ada tersenarai atau sebaliknya.

“Kemudahan Elektronik Berdaftar”

merujuk kemudahan elektronik yang berdaftar dengan Suruhanjaya di bawah Seksyen 34 Akta Pasaran Modal dan Perkhidmatan.

“Orang Berdaftar”

mempunyai erti yang sama sebagaimana yang diberikan kepadanya dalam Akta Pasaran Modal dan Perkhidmatan.

“RENTAS”

ertinya Sistem Pemindahan Dana dan Sekuriti secara Elektronik Masa Nyata yang dikendalikan oleh Bank Negara Malaysia.

“Anggota RENTAS”

ertinya orang yang diluluskan atau ditetapkan oleh Bank Negara menjadi anggota RENTAS.

Kaedah-kaedah RENTAS

ertinya Kaedah-kaedah Sekuriti Tanpa Skrip Di Bawah Sistem Pemindahan Dana dan Sekuriti secara Elektronik Masa Nyata (RENTAS) yang diterbitkan oleh Bank Negara Malaysia.

“Repo ”

ertinya perjanjian belian semula yang melibatkan penjualan instrumen-instrumen kewangan oleh satu pihak kepada pihak yang satu lagi dengan janji untuk membeli semula instrumen-instrumen kewangan itu dengan harga yang ditentukan dan pada tarikh yang ditentukan.

Pelaporan

ertinya proses yang disebut dalam Kaedah 701.

“Kaedah-kaedah”

	ertinya Kaedah-kaedah Bursa Malaysia Bonds Berhad yang diterbitkan berhubung dengan operasi-operasi ETP
“SBBA”	ertinya perjanjian jual dan beli balik, iaitu suatu transaksi pasaran wang Islam yang dibuat oleh dua pihak, dengan penjual menjual instrumen-instrumen kewangan Islam kepada pembeli pada harga yang dipersetujui, dan seterusnya kedua-dua pihak membuat perjanjian berasingan, yang dalamnya pembeli berjanji untuk menjual balik instrumen kewangan tersebut kepada penjual pada harga yang dipersetujui.
“SBL”	ertinya transaksi pinjaman dan peminjaman sekuriti instrumen-instrumen kewangan antara dua pihak bagi tempoh yang dipersetujui.
“TPM yang menjual”	dalam konteks Kaedah-kaedah ini, termasuk TPM yang memberi pinjaman dalam transaksi SBL.
“EPM yang menjual”	dalam konteks Kaedah-kaedah ini, termasuk EPM yang memberi pinjaman dalam transaksi SBL.
“saham”	ertinya terbitan tertentu instrumen kewangan dalam FAST.
Cuti Peristiwa	ertinya satu hari yang diisytiharkan sebagai cuti umum di Wilayah Persekutuan Kuala Lumpur yang tidak diwartakan sebagai hari cuti umum pada permulaan tahun kalender.
“Fungsi-fungsi Perdagangan”	ertinya fungsi-fungsi yang dirujuk dalam Kaedah 402.1(1).
“Anggota Peserta Perdagangan (TPM)”	ertinya orang yang telah diterima sebagai Anggota Peserta Perdagangan mengikut Kaedah-kaedah ini dan belum, atas apa-apa sebab, terhenti daripada menjadi Anggota Peserta Perdagangan.
“T”	ertinya hari perdagangan dilakukan dalam ETP.
“asas perdagangan”	ertinya sama ada harga, hasil atau kadar diskau sebagaimana yang ditunjukkan dalam ETP.

“Kemudahan-kemudahan Paparan” ertinya kemudahan-kemudahan yang disebut dalam Kaedah 401.2(1).

“Sewaktu Terbitan” ertinya transaksi-transaksi yang dibuat apabila atau selepas pengumuman formal dan pewujudan saham dalam FAST tetapi sebelum saham itu diterbitkan dalam FAST.

KAEDAH 102 TAFSIRAN

KAEDAH 102.1 TAFSIRAN

- (1) Dalam Kaedah-kaedah ini, melainkan jika dinyatakan selainnya atau konteksnya menghendaki makna yang lain-
- (a) Perkataan dalam bentuk tunggal termasuk maksud jamak, dan perkataan dalam bentuk jamak termasuk maksud tunggal.
 - (b) Perkataan yang membawa maksud jantina maskulin termasuk jantina feminin dan neuter.
 - (c) Rujukan-rujukan kepada rekod, maklumat atau senarai hendaklah dianggap termasuk mana-mana cakera, pita atau peranti lain yang mengandungi bunyi atau data (bukan imej-imej visual) yang boleh (dengan atau tanpa bantuan peralatan lain) diterbitkan semula daripadanya dan rujukan-rujukan kepada salinan rekod atau senarai tersebut hendaklah dianggap termasuk transkrip bunyi-bunyi atau data lain yang terkandung dalamnya.
 - (d) Rujukan kepada penulisan hendaklah dianggap termasuk apa-apa cara bagi mewakili atau menghasilkan semula huruf, angka-angka atau tanda-tanda dalam bentuk yang boleh dilihat.
 - (e) Tajuk-tajuk dan subtajuk-subtajuk dalam Kaedah-kaedah ini dimasukkan bagi memudahkan rujukan sahaja dan tidak akan mempengaruhi pentafsiran dan pengertian peruntukan dalam Kaedah-kaedah ini.
 - (f) Apa-apa rujukan dalam Kaedah-kaedah ini sama ada kepada kaedah, arahan atau garis panduan, sama ada garis panduan Bursa Malaysia, Bank Negara atau Suruhanjaya, hendaklah dianggap termasuk semua pengubahsuaian, perubahan, pindaan, penambahan kepada atau penggantian untuk kaedah, arahan atau garis panduan tersebut.

[Bab Tamat]

BAB 2 PENTADBIRAN

KAEDAH 201 PELAKSANAAN KUASA

KAEDAH 201.1 PELAKSANAAN KUASA

- (1) **Perihalan kuasa:** Bursa Bonds boleh menjalankan kuasa berikut dalam mengendalikan dan mentadbir ETP: -
- (a) berhubung dengan Kaedah-kaedah ini:
 - (i) untuk meminda Kaedah-kaedah ini dan membuat Kaedah-kaedah baharu;
 - (ii) untuk mengubah atau mengenepikan Kaedah-kaedah ini;
 - (iii) untuk mengeluarkan Arahan-arahan berhubung dengan apa-apa perkara yang dikawal oleh Kaedah-kaedah ini; dan
 - (iv) untuk mentafsir dengan muktamad mana-mana peruntukan dalam Kaedah-kaedah ini sekiranya berlaku apa-apa pertikaian tentang Kaedah-kaedah tersebut. Dalam mentafsir Kaedah-kaedah, pertimbangan akan didasarkan kepada semangat, niat dan tujuan Kaedah-kaedah dan juga inti pati mengatasi bentuk kaedah-kaedah akan terpakai;
 - (b) untuk mendedahkan maklumat yang dimilikinya tentang Peserta dan semua aktiviti Peserta dalam ETP kepada orang yang diberi kuasa oleh undang-undang untuk meminta maklumat sedemikian;
 - (c) untuk menjalankan semua kuasa lain yang seumpamanya, sebagaimana yang perlu bagi tujuan mengawasi pematuhan dan penguatkuasaan Kaedah-kaedah ini;
 - (d) untuk menjalankan apa-apa kuasa dan mengambil apa-apa tindakan bagi tujuan mengekalkan pasaran yang teratur dan saksama dalam ETP;
 - (e) untuk mengenakan fi berhubung dengan penggunaan kemudahan yang tersedia dalam ETP; dan
 - (f) untuk menjalankan apa-apa kuasa bagi tujuan mengendalikan dan mentadbir ETP.

KAEDAH 201.2 PELANTIKAN JAWATANKUASA DAN SEBAGAINYA

- (1.) Bursa Bonds boleh melantik suatu jawatankuasa, jawatankuasa kecil atau pegawai Bursa Bonds atau Bursa Malaysia untuk menunaikan fungsinya atau untuk menjalankan apa-apa kuasanya di bawah Kaedah-kaedah atau Arahan-arahan ini.

KAEDAH 201.3 FI DAN CAJ

- (1) Semua fi dan caj kena dibayar bagi penggunaan kemudahan yang tersedia dalam ETP adalah sebagaimana yang ditetapkan di bawah Jadual 1.

KAEDAH 202 KUASA BURSA BONDS DALAM SITUASI DARURAT

KAEDAH 202.1 KUASA DALAM SITUASI DARURAT

- (1) Bursa Bonds boleh, apabila berlaku situasi darurat yang ditetapkan dalam Kaedah 202.1(2), mengambil mana-mana tindakan berikut setelah pemberitahuan kepada Suruhanjaya:
 - (a) menggantung atau mengehadkan mana-mana kemudahan dalam ETP;
 - (b) mengubah suai hari pasaran atau waktu operasi ETP; dan
 - (c) apa-apa tindakan lain yang Bursa Bonds anggap wajar.
- (2) **Situasi Darurat:** Situasi darurat berkenaan dengan ETP adalah seperti yang berikut:
 - (a) kebakaran, gangguan bekalan elektrik, bencana alam dan apa-apa kejadian lain yang bersifat gangguan;
 - (b) Apa-apa kesilapan, pincang tugas atau kerosakan berhubung dengan teknologi atau sistem komunikasi kepunyaan ETP atau kepunyaan sebilangan besar Peserta; atau
 - (c) apa-apa situasi lain;
yang mempunyai atau berkemungkinan mempunyai kesan memudaratkan terhadap operasi ETP atau operasi sebilangan besar Peserta atau kedua-duanya.

KAEDAH 203 BURSA MALAYSIA SEBAGAI SYARIKAT PEMEGANGAN

KAEDAH 203.1 KUASA BURSA MALAYSIA SEBAGAI SYARIKAT PEMEGANGAN

- (1) Jika mana-mana peruntukan dalam Kaedah-kaedah ini memberi hak atau kuasa kepada Bursa Bonds untuk melakukan apa-apa perbuatan atau perkara, peruntukan tersebut dianggap memberi hak atau kuasa kepada Bursa Malaysia untuk melakukan perbuatan atau perkara tersebut bagi pihak Bursa Bonds.
- (2) Peserta-peserta yang kepadanya Kaedah -kaedah ini diarahkan, mesti mematuhi, menuruti atau melaksanakan mana-mana tindakan Bursa Malaysia menurut Kaedah 203.1(1).

KAEDAH 204 LIABILITI

KAEDAH 204.1 LIABILITI BURSA BONDS

- (1) Bursa Bonds atau Bursa Malaysia tidak bertanggungan berkenaan dengan apa-apa yang dilakukan atau yang tidak dilakukan olehnya dengan suci hati berkaitan dengan pelepasan atau pelaksanaan mana-mana fungsi atau kewajipan, atau pelaksanaan apa-apa kuasa di bawah Kaedah-kaedah ini atau mana-mana undang-undang yang terpakai berkenaan dengan apa-apa keputusan yang dibuat atau tindakan penguatkuasaan yang diambil, sama ada yang menyebabkan apa-apa kehilangan keuntungan, kos, ganti rugi atau yang merosakkan reputasi atau selainnya kepada mana-mana Peserta atau mana-mana orang.

KAEDAH 205 NOTIS ATAU KOMUNIKASI

KAEDAH 205.1 NOTIS ATAU KOMUNIKASI YANG DIKELUARKAN

- (1) Apa-apa notis atau komunikasi bertulis yang akan dikeluarkan oleh Bursa Bonds atau Peserta-peserta menurut Kaedah-kaedah ini atau selainnya, boleh dikeluarkan secara elektronik atau dengan cara lain melainkan mod pengeluaran yang khusus dinyatakan dalam mana-mana Kaedah-kaedah atau Arahan-arahan ini.
- (2) Notis atau komunikasi yang dikeluarkan menurut Kaedah205.1(1) akan disifatkan diterima oleh penerima seperti yang berikut:
 - (a) jika dikirim melalui pos dalam Semenanjung Malaysia, pada hari pasaran ketiga selepas pengiriman;
 - (b) jika dikirim melalui mel udara ke Sabah, Sarawak atau di luar Malaysia, pada hari pasaran kelima selepas pengiriman;
 - (c) jika dikirim melalui perkhidmatan kiriman cepat, pada hari pasaran kedua selepas pengiriman;
 - (d) jika dikirim melalui faksimile, sebaik sahaja penjanaan laporan yang menunjukkan bahawa penghantaran telah berjaya; dan
 - (e) jika dikirim melalui cara elektronik selain daripada faksimile, pada tarikh penghantaran.

KAEDAH 206 PERTIKAIAN

KAEDAH 206.1 PERTIKAIAN ANTARA PESERTA-PESERTA DENGAN BURSA BONDS

- (1) Jika terdapat pertikaian antara Peserta dengan Bursa Bonds berkenaan dengan apa-apa perkara yang dikawal di bawah Kaedah-kaedah atau Arahan-arahan ini, kedua-dua pihak mesti cuba menyelesaikan pertikaian dalam tempoh sepuluh (10) hari pasaran, jika tidak perkara itu akan diselesaikan dengan cara timbang tara mengikut Kaedah 206.2.

KAEDAH 206.2 TIMBANG TARA

- (1) **Perjanjian timbang tara:** Kaedah ini membentuk asas perjanjian timbang tara yang mengikat Peserta-peserta dan Bursa Bonds, dibuat mengikut Akta Timbang Tara 2005 dan apa-apa pindaan kepada Akta Timbang Tara 2005.
- (2) **Satu atau tiga orang penimbang tara:** Semua pertikaian, di bawah Bursa Bonds dan Peserta di bawah Kaedah-kaedah ini hendaklah dirujuk kepada penimbang tara tunggal, jika kedua-dua pihak dapat bersetuju dengan satu, tetapi selainnya dirujuk kepada tiga penimbang tara, iaitu seorang dilantik oleh setiap pihak dengan penimbang tara ketiga yang akan bertindak sebagai ketua penimbang tara akan-
- (a) dilantik oleh kedua-dua penimbang tara jika persetujuan dapat dicapai; atau
 - (b) jika dua penimbang tara yang pertama tidak dapat bersetuju dengan pilihan ketua penimbang tara, dilantik mengikut Akta Timbang Tara 2005.
- (3) **Status award:** Apa-apa award penimbang tara atau majoriti penimbang tara adalah muktamad dan mengikat pihak-pihak kepada pertikaian tersebut.
- (4) **Hak penguatkuasaan Bursa Bonds:** Tiada apa-apa dalam bab ini boleh ditafsirkan sebagai membolehkan mana-mana Peserta mencegah, menghalang atau melengahkan Bursa Malaysia daripada menjalankan hak dan kuasanya untuk menguatkuasakan mana-mana peruntukan Kaedah-kaedah atau Arahan-arahan ini ke atas Peserta tersebut.

KAEDAH 207 NOTIS DATA PERIBADI

KAEDAH 207.1 NOTIS DATA PERIBADI

- (a) Mana-mana orang yang memberikan atau telah memberikan data peribadi kepada Bursa Bonds atau Bursa Malaysia menurut atau berkaitan dengan Kaedah-kaedah ini hendaklah membaca dan menyedari akan pemberitahuan yang berkaitan, berhubung dengan Akta Perlindungan Data Peribadi 2010 (“PDPA”) yang tersedia di laman web Bursa Malaysia di www.bursamalaysia.com (“Notis Data Peribadi”).
- (b) Jika data peribadi yang diberikan ialah data individu yang lain (“subjek data”), orang yang memberikan data tersebut mestilah telah memberitahu subjek data secara bertulis akan Notis Data Peribadi sebelum memberikan data peribadi itu melainkan jika:
 - (i) seksyen 41 PDPA terpakai; atau
 - (ii) Bursa Bonds menyatakan sebaliknya berkaitan dengan PDPA.
- (c) Bagi tujuan Kaedah 207.1, ‘data peribadi’ hendaklah mempunyai erti yang sama sebagaimana yang diberikan dalam seksyen 4 PDPA.

KAEDAH 208 CUTI PERISTIWA

KAEDAH 208.1 CUTI PERISTIWA

- (a) Bursa Bonds boleh memutuskan untuk membuka pasaran bagi perdagangan dalam instrumen-instrumen kewangan pada hari Cuti Peristiwa.
- (b) Jika Bursa Bonds, dibuka untuk perdagangan dalam instrumen kewangan pada hari Cuti Peristiwa, maka semua Peserta dan mana-mana orang lain yang kepadanya Kaedah-kaedah ini dan Arahan-arahan itu diarahkan mesti mematuhi dan melaksanakan Kaedah-kaedah ini dan Arahan-arahan itu pada hari tersebut.

[Bab Tamat]

BAB 3 PENYERTAAN

KAEDAH 301 AM

KAEDAH 301.1 KELAS-KELAS PENYERTAAN

- (1) Kelas-kelas peserta berikut yang ada dalam ETP:
 - (a) Anggota Peserta Perdagangan (TPM);
 - (b) Anggota Peserta Pelaksanaan (EPM); dan
 - (c) Ahli Peserta Am(GPM).
- (2) Tiada seorang pun boleh memegang lebih daripada satu kelas penyertaan dinyatakan di bawah Kaedah301.1(1) pada satu-satu masa.
- (3) Tiada seorang pun boleh memerihalkan dirinya sebagai Peserta ETP melainkan orang itu telah didaftarkan sebagai Peserta mengikut Kaedah-kaedah ini.
- (4) Bursa Bonds akan menyenggarakan suatu daftar semua Peserta-peserta yang mengandungi semua butiran yang berkaitan bagi setiap Peserta.
- (5) Setelah seseorang berdaftar sebagai Peserta, Peserta mesti membayar kepada Bursa Bonds fi berhubung dengan penggunaan dan penyenggaraan sistem ETP.

KAEDAH301.2 KELAKUAN

- (1) Semua Peserta mesti mematuhi Kaedah-kaedahini, Arahan-arahan dan Akta Pasaran Modal dan Perkhidmatan apabila melaksanakan fungsi-fungsi mereka dalam ETP.
- (2) Semua Peserta mesti mengekalkan piawaian profesionalisme tertinggi apabila melaksanakan fungsi mereka dalam ETP.
- (3) Semua Peserta mesti, apabila melaksanakan fungsi mereka dalam ETP, terikat dengan mana-mana kod tatalaku yang mungkin diterbitkan oleh Bank Negara Malaysia, Suruhanjaya atau Persatuan Pasaran Kewangan Malaysia berhubung dengan urusannya berniaga dalam instrumen-instrumen kewangan.
- (4) Semua Peserta-peserta mesti memberikan maklumat yang benar dan betul apabila apa-apa maklumat dikehendaki untuk diberikan dalam Peraturan-peraturan atau Arahan-arahan ini.

KAEDAH 302	ANGGOTA PESERTA PERDAGANGAN	(TPM)
-------------------	------------------------------------	--------------

KAEDAH 302.1 KEHENDAK-KEHENDAK BAGI PESERTA SEBAGAI TPM

- (1) Pemohon untuk menjadi TPM mesti memenuhi kehendak-kehendak berikut:
- (a) pemohon mesti berdaftar atau berlesen menurut Akta Pasaran Modal dan Perkhidmatan bagi maksud bermiaga dalam sekuriti hutang bagi dirinya sendiri dan Klien-klien; dan
 - (b) pemohon mestilah anggota RENTAS.

KAEDAH 302.2 AKSES

- (1) Apabila didaftarkan sebagai TPM, seorang TPM mempunyai akses kepada kemudahan yang tersedia dalam ETP bagi maksud menjalankan urusan bermiaga dalam sekuriti bagi dirinya sendiri dan Klien.
- (2) Akses TPM sebagaimana yang diperuntukkan di bawah Kaedah 302.2(1) terhenti apabila peserta TPM itu digantung atau apabila peserta TPM itu ditamatkan sebagaimana yang diperuntukkan dalam Kaedah-kaedah ini.

KAEDAH 302.3 PENDAFTARAN

- (1) Permohonan pendaftaran sebagai TPM mesti dibuat mengikut cara berikut:
 - (a) pemohon mesti menyerah simpan dengan Bursa Bonds permohonan dalam bentuk sebagaimana yang ditetapkan oleh Bursa Bonds; dan
 - (b) pemohon mesti memberikan maklumat atau dokumen-dokumen berikut berserta dengan borang permohonan:
 - (i) satu salinan Memorandum dan Perkara Persatuan pemohon;
 - (ii) satu salinan ketetapan lembaga pengarah pemohon memberi kebenaran untuk membuat permohonan;
 - (iii) suatu aku janji untuk mematuhi Kaedah-kaedah dan Arahan-arahan ini sebagaimana dalam Lampiran 1; dan
 - (iv) apa-apa maklumat atau dokumen lain yang mungkin dikehendaki oleh Bursa Bonds.
- (2) Bursa Bonds akan memberitahu pemohon sama ada permohonannya untuk menjadi peserta diluluskan atau ditolak.
- (3) Jika permohonan untuk menjadi peserta diluluskan oleh Bursa Bonds, ia boleh mengenakan terma dan syarat atas kelulusan itu.
- (4) Jika permohonan untuk menjadi peserta ditolak oleh Bursa Bonds, pemohon boleh merayu terhadap keputusan tersebut dalam tujuh (7) hari dari penerimaan notis penolakan permohonan. Apa-apa keputusan rayuan adalah muktamad dan mengikat.

KAEDAH 302.4 PEMINDAHAN

- (1) TPM tidak dibenarkan untuk memindahkan jawatan penyertaannya kepada mana-mana Peserta lain atau pihak ketiga.

KAEDAH 302.5 PELETAKAN JAWATAN

- (1) Jika TPM mahu meletakkan jawatan daripada menjadi TPM, ia mesti memberi notis bertulis kepada Bursa Bonds sekurang-kurangnya tiga puluh (30) hari sebelum tarikh peletakan jawatan yang dicadangkan.
- (2) Jika Bursa Bonds menerima peletakan jawatan TPM, penerimaan itu tertakluk kepada terma-terma berikut:
- (a) TPM mesti menyelesaikan fi yang belum dibayar sebelum tarikh peletakan jawatan yang dicadangkan; dan
 - (b) TPM mesti mematuhi apa-apa terma-terma dan syarat-syarat lain yang dikenakan oleh Bursa Bonds.
- (3) Bursa Bonds akan memberitahu TPM dan semua Peserta-peserta lain berkaitan penerimaan peletakan jawatan TPM dan tarikh peletakan jawatan TPM berkuat kuasa.
- (4) Apa-apa liabiliti yang TPM ada terhadap Bursa Bonds atau mana-mana TPM atau EPM lain yang timbul daripada penyertaannya sebelum tarikh peletakan jawatannya akan terus berterusan sehingga dipenuhi atau dilepaskan.

KAEDAH 302.6 PENGGANTUNGAN ATAU PENAMATAN AKSES

- (1) Bursa Bonds boleh menggantung atau menamatkan TPM daripada mempunyai akses kepada semua atau mana-mana kemudahan yang ada dalam ETP kecuali bagi melaporkan dalam ETP dalam keadaan berikut:
- (a) jika TPM telah digulung sama ada secara sukarela atau sebaliknya;
 - (b) jika seorang penerima dan pengurus, pelikuidasi sementara atau pelikuidasi telah dilantik bagi TPM; atau
 - (c) dalam apa-apa keadaan lain yang disifatkan patut oleh Bursa Bonds, setelah berunding dengan atau atas arahan Suruhanjaya atau Bank Negara Malaysia.
- (2) Bursa Bonds akan menggantung atau menamatkan TPM secara automatik daripada mempunyai akses kepada semua kemudahan yang ada dalam ETP dalam keadaan berikut:
- (a) jika TPM digantung atau ditamatkan daripada menjalankan perniagaan dalam instrumen-instrumen kewangan oleh Suruhanjaya atau Bank Negara Malaysia;
 - (b) jika TPM digantung atau ditamatkan sebagai ahli RENTAS oleh Bank Negara Malaysia; atau
 - (c) jika kelulusan atau lesen TPM sebagaimana yang dinyatakan dalam Kaedah 302.1 digantung atau TPM gagal memenuhi kehendak-kehendak dalam Kaedah 302.1.

Bab 3 - Penyertaan

- (3) Bursa Bonds akan memaklumkan TPM secara bertulis apa-apa penggantungan atau penamatan di bawah Kaedah 302.6.
- (4) Apa-apa liabiliti yang TPM ada terhadap Bursa Bonds atau mana-mana TPM atau EPM lain sebelum penggantungan atau penamatan terus berterusan sehingga dipenuhi sepenuhnya atau dilepaskan.

KAEDAH 303 AHLI PESERTA PELAKSANAAN (EPM)

KAEDAH 303.1 KEHENDAK BAGI PESERTA SEBAGAI EPM

- (1) Seorang pemohon, untuk menjadi EPM mesti memenuhi kehendak berikut:
- (a) pemohon mestilah broker wang seperti yang ditakrifkan dalam Akta Bank dan Institusi-institusi Kewangan 1989; dan
 - (b) pemohon mestilah Orang Berdaftar bagi maksud menjalankan urusan bermiaga dalam sekuriti hutang.

KAEDAH 303.2 AKSES

- (1) Sebaik sahaja didaftarkan sebagai EPM, seorang EPM mempunyai akses kepada kemudahan yang tersedia dalam ETP bagi maksud menjalankan urusan bermiaga dalam sekuriti bagi Klien-kliennya sahaja. Klien EPM ialah TPM sahaja.
- (2) Akses EPM sebagaimana yang diperuntukkan di bawah Kaedah 303.2(1) terhenti apabila peserta EPM itu digantung atau apabila peserta EPM itu ditamatkan, sebagaimana yang diperuntukkan dalam Kaedah-kaedah ini.

KAEDAH 303.3 PENDAFTARAN

- (1) Permohonan pendaftaran sebagai EPM mesti dibuat mengikut cara berikut:
- (a) pemohon mesti menyerah simpan dengan Bursa Bonds permohonan dalam bentuk sebagaimana yang ditetapkan oleh Bursa Bonds; dan
 - (b) pemohon mesti memberi maklumat atau dokumen berikut berserta dengan borang permohonan:
 - (i) satu salinan Memorandum dan Perkara Persatuan pemohon;
 - (ii) Satu salinan ketetapan lembaga pengarah pemohon memberi kuasa membuat permohonan;
 - (iii) suatu aku janji untuk mematuhi Kaedah-kaedah dan Arahan-arahan ini sebagaimana dalam Lampiran 1; dan
 - (iv) apa-apa maklumat lain yang mungkin dikehendaki oleh Bursa Bonds.
- (2) Bursa Bonds akan memberitahu pemohon tentang sama ada permohonannya untuk menjadi peserta diluluskan atau ditolak.
- (3) Jika permohonan pemohon untuk menjadi peserta diluluskan oleh Bursa Bonds, ia boleh mengenakan terma dan syarat atas kelulusan itu.
- (4) Jika permohonan untuk menjadi peserta ditolak oleh Bursa Bonds, pemohon boleh merayu terhadap keputusan itu. Apa-apa keputusan rayuan adalah muktamad dan mengikat.

KAEDAH 303.4 PEMINDAHAN

- (1) EPM tidak dibenarkan untuk memindahkan jawatan penyertaannya kepada mana-mana Peserta lain atau pihak ketiga.

KAEDAH 303.5 PELETAKAN JAWATAN

- (1) Jika EPM mahu meletakkan jawatan daripada menjadi EPM, ia mesti memberi notis bertulis kepada Bursa Bonds sekurang-kurangnya tiga puluh (30) hari sebelum tarikh peletakan jawatan yang dicadangkan.
- (2) Jika Bursa Bonds menerima peletakan jawatan EPM, penerimaan itu tertakluk kepada terma-terma berikut:
- (a) EPM mesti menyelesaikan segala fi yang belum dibayar sebelum tarikh peletakan jawatan yang dicadangkan; dan
 - (b) EPM mesti mematuhi apa-apa terma dan syarat lain yang dikenakan oleh Bursa Bonds.
- (3) Bursa Bonds akan memberitahu EPM dan semua Peserta-peserta lain penerimaan peletakan jawatan EPM dan tarikh peletakan jawatan EPM berkuat kuasa.
- (4) Apa-apa liabiliti yang EPM ada terhadap Bursa Bonds atau mana-mana TPM atau EPM lain yang timbul daripada jawatan pesertanya sebelum tarikh peletakan jawatannya akan terus berterusan sehingga dipenuhi atau dilepaskan.

KAEDAH 303.6 PENGGANTUNGAN ATAU PENAMATAN AKSES

- (1) Bursa Bonds boleh menggantung atau menamatkan EPM daripada mempunyai akses kepada semua atau mana-mana kemudahan yang ada dalam ETP kecuali bagi Pelaporan dalam keadaan berikut:
- (a) jika EPM telah digulung sama ada secara sukarela atau selainnya;
 - (b) jika seorang penerima dan pengurus, pelikuidasi sementara atau pelikuidasi telah dilantik bagi EPM; atau
 - (c) dalam apa-apa keadaan yang disifatkan patut oleh Bursa Bonds, semasa berunding dengan atau atas arahan Suruhanjaya atau Bank Negara Malaysia.
- (2) Bursa Bonds boleh menggantung atau menamatkan EPM secara automatik daripada mempunyai akses kepada semua kemudahan yang ada dalam ETP dalam keadaan berikut:
- (a) jika EPM digantung atau ditamatkan daripada menjalankan urus niaga dalam instrumen-instrumen kewangan oleh Suruhanjaya atau Bank Negara Malaysia; atau
 - (b) jika EPM gagal memenuhi kehendak dalam Kaedah 303.1
- (3) Bursa Bonds akan memaklumkan EPM secara bertulis apa-apa penggantungan atau penamatan di bawah Kaedah 303.6.
- (4) Apa-apa liabiliti yang TPM ada terhadap Bursa Bonds atau mana-mana TPM atau EPM lain sebelum penggantungan atau penamatan terus berterusan sehingga dipenuhi sepenuhnya atau dilepaskan.

KAEDAH 304.1 KEPERLUAN BAGI PENYERTAAN SEBAGAI GPM

- (1) Mana-mana orang atau perbadanan layak memohon sebagai GPM.

KAEDAH 304.2 AKSES

- (1) Apabila didaftarkan sebagai GPM, GPM mempunyai akses untuk Kemudahan Paparan dan, jika dibenarkan oleh Bursa Bonds, untuk membuat Pengumuman-pengumuman.
- (2) Akses GPM sebagaimana yang diperuntukkan di bawah Kaedah 304.2(1) terhenti apabila peserta GPM itu digantung atau apabila peserta GPM itu ditamatkan sebagaimana yang diperuntukkan dalam Kaedah-kaedah ini.

KAEDAH 304.3 PENDAFTARAN

- (1) Permohonan untuk pendaftaran sebagai GPM mesti dibuat melalui serah simpan dengan Bursa Bonds permohonan dalam bentuk sebagaimana ditetapkan oleh Bursa Bonds dan aku janji untuk mematuhi Kaedah-kaedah dan Arahan-arahan ini sebagaimana dalam Lampiran 1.
- (2) Bursa Bonds akan memberitahu pemohon tentang sama ada permohonannya untuk menjadi peserta diluluskan atau ditolak.
- (3) Jika permohonan untuk menjadi peserta diluluskan oleh Bursa Bonds, ia boleh mengenakan terma dan syarat atas kelulusan itu.
- (4) Jika permohonan untuk penyertaan ditolak oleh Bursa Bonds, pemohon boleh merayu terhadap keputusan itu. Apa-apa keputusan rayuan adalah muktamad dan mengikat.

KAEDAH 304.4 PEMINDAHAN

- (1) GPM tidak dibenarkan memindahkan jawatan penyertaanya kepada mana-mana Peserta lain atau pihak ketiga

KAEDAH 304.5 PELETAKAN JAWATAN

- (1) Jika GPM mahu meletakkan jawatan daripada menjadi GPM, ia mesti memberi notis bertulis kepada Bursa Bonds sekurang-kurangnya empat belas (14) hari sebelum tarikh peletakan jawatan yang dicadangkan.
- (2) Jika Bursa Bonds menerima peletakan jawatan GPM, penerimaan itu atas syarat bahawa semua fi yang masih belum dijelaskan mesti diselesaikan sebelum tarikh peletakan jawatan yang dicadangkan.
- (3) Apa-apa liabiliti yang GPM ada terhadap Bursa Bonds yang timbul daripada jawatan pesertanya sebelum tarikh peletakan jawatannya akan terus berterusan sehingga dipenuhi atau dilepaskan.

KAEDAH 304.6 PENGGANTUNGAN ATAU PENAMATAN PENYERTAAN

- (1) Bursa Bonds boleh secara automatik menggantung atau menamatkan akses GPM kepada Kemudahan-kemudahan Paparan untuk tiada pembayaran fi kepada Bursa Bonds.

- (2) Bursa Bonds akan memaklumkan GPM secara bertulis apa-apa penggantungan atau penamatan di bawah Kaedah 304.6(1).
- (3) Apa-apa liabiliti yang GPM ada terhadap Bursa Bonds yang timbul daripada jawatan penyertaannya sebelum penggantungan atau penamatan akan terus berterusan sehingga dipenuhi atau dilepaskan.

KAEDAH 305 PENGEDARAN MAKLUMAT DARIPADA ETP

KAEDAH 305.1 PENGEDARAN MAKLUMAT

- (1) Semua Peserta dilarang daripada mengedarkan apa-apa maklumat daripada ETP bagi sejumlah fi sama ada dalam bentuk asal atau diubah suai dalam apa-apa mod kepada pihak ketiga dan Klien, melainkan kelulusan bertulis terdahulu Bursa Bonds diperoleh. Bursa Bonds mempunyai hak untuk menentukan sama ada apa-apa tindakan membentuk ‘pengedaran maklumat’ yang diperoleh daripada ETP kepada pihak ketiga atau Klien dan keputusannya adalah muktamad.

[Bab Tamat]

BAB 4

**KEMUDAHAN-KEMUDAHAN YANG
TERSEDIA DALAM ETP**

KAEDAH 401 KEMUDAHAN-KEMUDAHAN YANG TERSEDIA DALAM ETP

- (1) Kemudahan-kemudahan berikut tersedia dalam ETP:
- (a) Kemudahan-kemudahan Paparan sebagaimana yang diperuntukkan di bawah Kaedah 402.2;
 - (b) Padanan automatik sebagaimana yang diperuntukkan di bawah Bab 5;
 - (c) Iklan sebagaimana yang diperuntukkan di bawah Bab 6;
 - (d) Perundingan sebagaimana yang diperuntukkan di bawah Bab 6;
 - (e) Pelaporan sebagaimana yang diperuntukkan di bawah Bab 7; dan
 - (f) Pengumuman-pengunguman sebagaimana yang diperuntukkan di bawah Bab 8.
- (2) Semua Peserta mesti memasukkan maklumat sebagaimana yang ditentukan dalam Arahan ke dalam ETP apabila menggunakan mana-mana kemudahan dalam ETP. Maklumat yang dimasukkan itu mestilah tepat dan benar.

KAEDAH 401.2 KEMUDAHAN-KEMUDAHAN PAPARAN

- (1) Semua Peserta boleh memaparkan maklumat untuk dilihat dalam ETP sebagaimana yang dinyatakan dalam Arahan-arahan. Paparan ini disebut sebagai "Kemudahan-kemudahan Paparan".
- (2) Maklumat yang disebut dalam Kaedah 401.2(1) boleh dipaparkan pada bila-bila masa pada mana-mana hari.

KAEDAH402 KAEDAH-KAEDAH AM TENTANG FUNGSI-FUNGSI PERDAGANGAN

KAEDAH 402.1 FUNGSI-FUNGSI PERDAGANGAN

- (1) Kaedah ini terpakai kepada kemudahan-kemudahan yang dinyatakan dalam Kaedah 401.1(1)(b) hingga (e) dan disebut secara kolektif dalam Kaedah ini sebagai "Fungsi-fungsi Perdagangan".
- (2) Hanya TPM dan EPM boleh menjalankan Fungsi-fungsi Perdagangan dalam ETP.
- (3) Fungsi-fungsi Perdagangan dilaksanakan berdasarkan saham. Perdagangan hanya tersedia sebagaimana yang diperuntukkan di bawah Kaedah 402.5.
- (4) Semua dagangan yang dibuat dalam ETP dijelaskan dan diselesaikan mengikut Peraturan RENTAS.

KAEDAH 402.2 FUNGSI-FUNGSI PERDAGANGAN OLEH TPM

- (1) Perkara-perkara berikut adalah terpakai berhubung dengan TPM menjalankan Fungsi-fungsi Perdagangan:
 - (a) TPM boleh menjalankan Fungsi-fungsi Perdagangan sama ada bagi dirinya sendiri atau bagi pihak Klien;
 - (b) TPM akan dianggap sebagai prinsipal berhubung dengan semua catatan-catatan yang dibuat dalam ETP dan apa-apa transaksi yang diselesaikan dalam ETP oleh TPM walaupun catatan-catatan tersebut dibuat bagi pihak Klien. Bursa Bonds tidak akan mengiktiraf hak mana-mana Klien atau pihak ketiga berhubung dengan catatan atau transaksi yang diselesaikan dalam ETP oleh TPM;
 - (c) TPM akan dianggap sebagai prinsipal berhubung dengan semua catatan-catatan yang dibuat oleh EPM bagi pihak TPM dalam ETP dan apa-apa transaksi yang diselesaikan dalam ETP oleh EPM. Dengan demikian, dalam Kaedah-kaedah ini, TPM dan bukan EPM akan disebut sebagai pihak kepada mana-mana transaksi yang diselesaikan dalam ETP; dan
 - (d) TPM akan bertanggungjawab terhadap semua catatan-catatan yang dibuat dalam ETP oleh TPM.

KAEDAH 402.3 FUNGSI-FUNGSI PERDAGANGAN OLEH EPM

- (1) Perkara-perkara berikut adalah terpakai berhubung dengan EPM menjalankan Fungsi-fungsi Perdagangan:
 - (a) EPM boleh menjalankan Fungsi-fungsi Perdagangan bagi pihak TPM hanya jika ia diberi kuasa untuk berbuat demikian oleh TPM;
 - (b) EPM akan dianggap sebagai prinsipal berhubung dengan semua catatan-catatan yang dibuat dalam ETP dan apa-apa transaksi yang diselesaikan dalam ETP oleh EPM;
 - (c) Apa-apa fi kena dibayar untuk penggunaan kemudahan-kemudahan yang tersedia dalam ETP mestilah dibayar oleh EPM; dan
 - (d) EPM akan bertanggungjawab terhadap semua catatan yang dibuat dalam ETP.

KAEDAH 402.4 FUNGSI-FUNGSI PERDAGANGAN OLEH WAKIL-WAKIL ANGGOTA

- (1) Hal berikut terpakai berhubung dengan Wakil-wakil Anggota:
- (a) Hanya Wakil Anggota diberi kuasa untuk membuat catatan dalam ETP bagi pihak EPM. Walau bagaimanapun, berhubung dengan Pelaporan sahaja, TPM atau EPM boleh memberi kuasa kepada pekerjanya untuk melaporkan Transaksi Luar ETP bagi pihaknya dan pekerja ini tidak perlu menjadi Wakil Anggota; dan
 - (b) Wakil Ahli TPM atau EPM dianggap menjadi ejen TPM atau EPM. Dengan demikian, TPM atau EPM bertanggungan terhadap semua tindakan Wakil Anggotanya seolah-olah tindakan itu telah dibuat oleh TPM atau EPM sendiri.

KAEDAH 402.5 PERDAGANGAN KELOMPOK

- (1) Fungsi-fungsi Perdagangan adalah berdasarkan Kelompok untuk instrumen-instrumen kewangan yang dinyatakan dalam Jadual 2.
- (2) Julat Jalur yang tersedia untuk perdagangan dan jenis instrumen-instrumen kewangan di bawah setiap Jalur adalah sebagaimana yang dinyatakan dalam Arahan-arahan.
- (3) Instrumen-instrumen kewangan yang didagangkan berdasarkan Jalur tidak boleh didagangkan berdasarkan saham kecuali untuk Perundingan.

KEDAH 403 PENGANTUNGAN ATAU PEMBERHENTIAN FUNGSI PERDAGANGAN

KEDAH 403.1 KEADAAN-KEADAAN BAGI PENGGANTUNGAN SAHAM

- (1) Semua Fungsi Perdagangan berhubung dengan saham tertentu akan digantung serta-merta dalam keadaan-keadaan berikut:
 - (a) Jika saham digantung dalam FAST oleh Bank Negara Malaysia;
 - (b) Jika penghantaranserahan dan penyelesaian saham digantung dalam RENTAS atau jika RENTAS sendiri digantung; atau
 - (c) dalam apa-apa keadaan lain yang disifatkan patut oleh Bursa Bonds, setelah berunding dengan atau atas arahan Suruhanjaya atau Bank Negara Malaysia.
- (2) Semua Fungsi Perdagangan berhubung dengan saham boleh digantung dalam keadaan yang dinyatakan dalam Kaedah 201.1(d). Walau bagaimanapun, Pelaporan akan diteruskan mengikut cara yang dinyatakan dalam Kaedah 703.2(1).

KEDAH 403.2 KEADAAN-KEADAAN BAGI PENGGANTUNGAN ATAU PEMBERHENTIAN FUNGSI PERDAGANGAN

- (1) Bursa Bonds boleh menggantung atau memberhentikan Fungsi-fungsi Perdagangan dalam keadaan-keadaan yang dinyatakan dalam Kaedah 201.1(d) dan Kaedah 202.
- (2) Jika Fungsi-fungsi Perdagangan digantung atau diberhentikan dalam keadaan-keadaan yang dinyatakan dalam Kaedah 403.2(1), Pelaporan akan diteruskan mengikut cara yang dinyatakan dalam Kaedah 703.3(1)

KAEDAH 404 PEMBATALAN PERDAGANGAN

KAEDAH 404.1 KEADAAN-KEADAAN

- (1) Dagangan yang dipadankan dalam ETP sama ada melalui padanan automatik atau Perundingan boleh dibatalkan dalam keadaan-keadaan berikut sahaja:
- (a) jika saham berhubung dengan dagangan Sewaktu Terbitan dijalankan, tidak diterbitkan atas apa-apa sebab dalam FAST;
 - (b) Jika pesanan-pesanan dipadankan secara salah disebabkan oleh kerosakan sistem dalam ETP; atau
 - (c) jika kedua-dua pihak kepada dagangan bersetuju untuk membatalkan dagangan dan kelulusan Bursa Bonds telah diperoleh untuk pembatalan itu.

[Tamat Bab]

BAB 5 PADANAN AUTOMATIK

KAEDAH 501 PADANAN AUTOMATIK

KAEDAH 501.1 AM

- (1) TPM atau EPM boleh menyiaran bida muktamad atau tawaran sebut harga dalam ETP untuk kemungkinan berlaku padanan dengan mana-mana tawaran muktamad atau bida sebut harga yang dimasukkan dalam ETP oleh mana-mana TPM atau EPM lain, mengikut keutamaan padanan yang dinyatakan dalam Kaedah 503.3 Proses ini disebut sebagai padanan automatik.
- (2) Padanan automatik akan tersedia untuk pelaksanaan dagangan Belian dan Jualan Mutlak dan dagangan Sewaktu Terbitan untuk semua instrumen kewangan yang dinyatakan dalam Jadual 3 sama ada instrumen kewangan itu didagangkan atas saham atau Kelompok berdasarkan terma yang ditetapkan dalam Jadual 3.
- (3) Dagangan yang dibuat melalui padanan automatik akan sama ada berdasarkan harga hasil atau diskau sebagaimana yang ditunjukkan dalam ETP.

KAEDAH 502

WAKTU PERDAGANGAN BAGI PADANAN AUTOMATIK

KAEDAH 502.1 WAKTU PERDAGANGAN

- (1) **Waktu Perdagangan:** Masa perdagangan untuk padanan automatik ialah pada mana-mana hari pasaran, dari Isnin hingga Jumaat (tertakluk kepada cuti umum dan cuti lain sebagaimana yang diisytiharkan oleh Bursa Bonds) dalam dua (2) sesi seperti berikut: -
- (a) Sesi pagi : 9.00 am hingga 12.30 pm
(b) Sesi petang : 2.30 pm hingga 5.00 pm

KAEDAH 503**KEMASUKAN PESANAN UNTUK PADANAN AUTOMATIK****KAEDAH 503.1****JENIS PESANAN**

- (1) Hanya Pesanan Berhad boleh dimasukkan dalam ETP untuk padanan automatik.
- (2) TPM atau EPM mestilah menentukan apa-apa jenis Pesanan Berhad yang di nyatakan di bawah apabila memasukkan pesanan dalam ETP untuk pelaksanaan:

(a) Biasa

Pesanan Berhad yang ditentukan sebagai Biasa ertiya pesanan kekal dalam ETP untuk padanan hingga berakhirnya hari pasaran yang pesanan itu dimasukkan. Jika ia tidak dipadankan sebelum berakhirnya hari pasaran, pesanan akan dibatalkan.

Jika pesanan Biasa dipadankan sebahagian, baki amaun pesanan yang tidak dipadankan akan kekal dalam ETP untuk padanan hingga berakhirnya hari pasaran. Jika baki amaun pesanan Biasa tidak dipadankan sebelum berakhirnya hari pasaran, pesanan akan dibatalkan.

(b) Serta-merta atau Batal

Pesanan Berhad yang ditentukan sebagai Serta-merta atau Batal (IOC) ertiya pesanan akan dipadankan setakat penuh yang mungkin amaun pesanan, serta-merta sebaik sahaja kemasukan pesanan untuk padanan automatik dalam ETP. Pesanan IOC yang tidak dapat dipadankan serta-merta sebaik sahaja kemasukan pesanan ke dalam ETP sebagaimana yang dinyatakan di atas akan dibatalkan. Jika pesanan IOC dipadankan sebahagian sebaik sahaja kemasukan pesanan ke dalam ETP, baki amaun pesanan IOC yang tidak dipadankan akan dibatalkan.

(c) Semua atau Tiada

Pesanan Berhad yang ditentukan sebagai Semua atau Tiada (AON) ertiya pesanan mestilah dipadankan dalam amaun penuh, serta-merta sebaik sahaja kemasukan pesanan untuk padanan automatik dalam ETP. Pesanan AON yang tidak dapat dipadankan sebaik sahaja kemasukan pesanan ke dalam ETP sebagaimana yang dinyatakan di atas akan dibatalkan.

(d) Masa Berkuat Kuasa

Pesanan Berhad yang ditentukan sebagai Masa Berkuat Kuasa ertiya pesanan akan kekal dalam ETP untuk padanan penuh atau sebahagian sebelum berakhirnya sesi perdagangan.

Pesanan TIF yang tidak dipadankan sebelum berakhirnya sesi akan dibatalkan. Jika pesanan TIF dipadankan sebahagian, baki amaun pesanan TIF yang tidak dipadankan akan kekal dalam ETP hingga berakhirnya sesi perdagangan yang seterusnya ia akan dibatalkan.

- (3) Dalam keadaan jika TPM atau EPM tidak menentukan jenis Pesanan Berhad apabila memasukkan pesanan ke dalam ETP, pesanan itu akan dikira sebagai pesanan Biasa.

KAEDAH 503.2 KEMASUKAN PESANAN UNTUK PADANAN AUTOMATIK

- (1) TPM atau EPM mestilah, berhubung dengan pesanan yang dimasukkan ke dalam ETP, menentukan perkara berikut:
- (a) saham (jika ia tidak diniagakan dalam Kelompok) atau Kelompok dan amaun yang akan dibeli atau dijual pada masa kemasukan pesanan;
 - (b) kadar jualan atau belian akan dibuat;
 - (c) jenis Pesanan Berhad sebagaimana yang dinyatakan di bawah Kaedah 503.1(2) pada masuk kemasukan pesanan;
 - (d) sama ada pesanan proprietari atau pesanan agensi pada masa kemasukan pesanan, mengikut Kaedah 503.2(2);
 - (e) butiran Maklumat Klien, mengikut Kaedah 503.2(3);
 - (f) jika pesanan ialah jualan singkat sebagaimana yang diperuntukkan di bawah Kaedah 505;
 - (i) bahawa pesanan ialah jualan singkat; atau jika pesanan ialah sebahagiannya jualan singkat, amaun pesanan yang merupakan jualan singkat;
 - (ii) butiran pinjaman yang dibuat untuk meliputi jualan singkat sebagaimana yang ditetapkan dalam Arahan; dan
 - (iii) butiran penutupan kedudukan jualan singkat sebagaimana yang ditetapkan dalam Arahan,selepas pesanan dipadankan, mengikut Kaedah 503.2(4); dan
 - (g) apa-apa butiran lain yang dinyatakan dalam Kaedah ini atau Arahan.
- (2) TPM atau EPM mestilah menentukan sama ada pesanan yang dimasukkan ke dalam ETP ialah pesanan proprietari atau pesanan agensi mengikut cara berikut:
- (a) TPM mestilah, semasa memasukkan pesanan ke dalam ETP, menentukan sama ada dagangan ialah dagangan proprietari atau dagangan agensi. Jika tiada petunjuk, dagangan akan dikira sebagai dagangan proprietari ;
 - (b) setelah dagangan ditunjukkan sebagai dagangan proprietari menurut Kaedah 503.2(2)(a), TPM tidak boleh kemudiannya meminda dagangan itu sebagai dagangan agensi; dan
 - (c) semua pesanan yang dimasukkan ke dalam ETP oleh EPM akan dikira sebagai dagangan agensi. Oleh hal yang demikian, EPM tidak perlu menentukan bahawa pesanan itu ialah dagangan agensi apabila memasukkan pesanan ke dalam ETP.
- (3) TPM atau EPM mestilah menentukan Maklumat Klien mengikut cara berikut:
- (a) TPM mestilah menentukan Maklumat Klien sama ada pada masa memasukkan pesanan ke dalam ETP atau selepas pesanan dipadankan dalam ETP. Dalam keadaan jika Maklumat Klien dimasukkan ke dalam ETP

- selepas pesanan dipadankan, maka hal yang sama mestilah dibuat sebelum 6.00 pm pada hari pasaran yang sama yang pesanan itu dipadankan; dan
- (b) EPM mestilah menyediakan Maklumat Klien pada masa memasukkan pesanan ke dalam ETP.
- (4) TPM dan EPM mestilah, berhubung dengan pesanan jualan singkat, menentukan maklumat dalam Kaedah 503.2(1)(f) pada hari pasaran yang sama yang pesanan itu dipadankan. Setelah pesanan ditentukan sebagai jualan singkat, TPM atau EPM tidak boleh meminda pesanan itu untuk menentukan selainnya.
- (5) Setelah pesanan dimasukkan ke dalam ETP untuk padanan automatik tetapi sebelum dipadankan, TPM atau EPM boleh menjalankan tindakan berikut:
- (a) membatalkan atau meminda amaun, harga, hasil atau diskaun pesanan Biasa atau pesanan TIP atau baki amaun yang tidak dipadankan dalam pesanan Biasa atau pesanan TIP yang dipadankan sebahagian; atau
- (b) mengeluarkan pesanan Biasa atau pesanan TIF atau baki amaun yang tidak dipadankan dalam pesanan Biasa atau pesanan TIF yang dipadankan sebahagian.

KAEDAH 503.3 KEUTAMAAN PADANAN

- (1) Semua pesanan yang dimasukkan ke dalam ETP untuk padanan automatik dipadankan mengikut keutamaan harga, hasil atau diskaun bergantung kepada asas perdagangan sebagaimana yang dinyatakan dalam Kaedah 501.1(3) dan kemudiannya masa.
- (2) Keutamaan Harga, Hasil atau Diskaun dan Masa
- (a) Harga terbaik atau hasil atau diskaun:
- (i) Pesanan belian pada harga tertinggi dan pesanan jualan pada harga terendah mempunyai keutamaan mengatasi pesanan lain yang dimasukkan bagi saham yang sama.
- (ii) Pesanan belian pada hasil terendah dan pesanan jualan pada hasil tertinggi mempunyai keutamaan mengatasi pesanan lain yang dimasukkan bagi saham yang sama.
- (iii) Pesanan belian pada diskaun terendah dan pesanan jualan pada diskaun tertinggi mempunyai keutamaan mengatasi pesanan lain bagi Kelompok yang sama.
- (b) Setem masa terawal:
Setiap pesanan yang dimasukkan ke dalam ETP menerima setem masa. Dalam hal keadaan jika harga, hasil atau diskaun serupa dimasukkan untuk pesanan, pesanan kemudiannya dipadankan mengikut turutan masa pesanan dimasukkan ke dalam ETP. Setem masa yang diberikan kepada pesanan yang dimasukkan ke dalam ETP akan bertukar kepada masa apabila hal berikut berlaku:
- (i) apabila amaun pesanan dinaikkan;
- (ii) apabila perubahan dibuat terhadap harga, hasil atau diskaun pesanan; atau
- (iii) apabila kedua-dua (i) dan (ii) dibuat.

KAEDAH 503.4 KONTRAK MUKTAMAD DAN MENGIKAT

- (1) Setelah pesanan yang dimasukkan oleh TPM atau EPM dipadankan, pesanan yang dipadankan dikira sebagai kontrak muktamad dan mengikat antara TPM.
- (2) Pembatalan pesanan yang dipadankan tidak dibenarkan di bawah padanan automatik, kecuali dalam keadaan yang dinyatakan dalam Kaedah 404 atau 503.5(3).

KAEDAH 503.5 MAKLUMAT SAHAM DI BAWAH PERDAGANGAN KELOMPOK

- (1) Setelah dagangan Kelompok dipadankan mengikut Kaedah 503.3(2)(iii), TPM atau EPM yang menjual mestilah memasukkan ke dalam ETP butiran saham dalam Kelompok yang akan diserahkan dan dijelaskan kepada TPM atau EPM yang membeli. Bilangan saham yang boleh dimasukkan dan tempoh masa kemasukan mesti dibuat adalah sebagaimana yang ditetapkan oleh Bursa Bonds.
- (2) TPM atau EPM yang membeli perlu menunjukkan penerimaan saham yang dicadangkan untuk diserahkan dan dijelaskan oleh TPM atau EPM yang menjual.
- (3) Jika TPM atau EPM yang membeli tidak menerima saham yang dicadangkan untuk diserahkan dan dijelaskan oleh TPM atau EPM yang menjual, TPM atau EPM yang membeli mestilah tetap meneruskan kontrak tetapi hanya bagi amaun RM 5 juta dan bukannya amaun penuh yang dipadankan, jika amaun yang dipadankan lebih daripada RM 5 juta. Baki amaun jika ada akan dibatalkan.

KAEDAH 503.6 LARANGAN PERDAGANGAN PIHAK YANG SAMA

- (1) Berhubung dengan kedudukan proprietari Peserta, jika Peserta tersebut ialah pembeli dan penjual dalam dagangan yang sama, dagangan tersebut tidak akan dipadankan di bawah Kaedah 503.3.

KAEDAH 504 PINDAAN DADGANGAN

KAEDAH 504.1 HAL KEADAAN

- (1) TPM dan EPM boleh meminda apa-apa butiran berikut bagi pesanan yang telah dipadankan untuk membetulkan apa-apa kesilapan tetapi hanya pada hari pesanan itu dipadankan:
- (a) daripada status bukan jualan singkat kepada status jualan singkat;
 - (b) jika jualan ditentukan sebagai jualan singkat, meminda amaun yang telah dijual singkat;
 - (c) Maklumat Klien; atau
 - (d) hasil kutipan daripada dagangan Belian dan Jualan Mutlak atau dagangan Apabila Diterbitkan yang telah pun dihitung dalam ETP dengan persetujuan kaunterparti TPM kepada dagangan.
 - (e) jika instrumen kewangan didagangkan berdasarkan Kelompok, saham hendaklah diserahkan dan diselesaikan dalam Kelompok

(2) Pindaan di atas boleh dibuat pada bila-bila masa sepanjang sesi berikut:

- (a) Sesi pagi : 9.00 am hingga 12.30 pm
- (b) Sesi petang : 2.30 pm hingga 6.00 pm

KAEDAH 505

PENJUALAN SINGKAT DALAM ETP

KAEDAH 505.1 PENJUALAN SINGKAT

- (1) TPM dan EPM hanya boleh menjual singkat saham dalam ETP jika jualan singkat itu dibenarkan oleh:
 - (a) Bank Negara Malaysia di bawah Seksyen 98(4)(d) Akta Pasaran Modal dan Perkhidmatan; atau
 - (b) Suruhanjaya di bawah garis panduan berkaitan yang diterbitkan di bawah Akta Pasaran Modal dan Perkhidmatan.
- (2) Semua jualan singkat menurut Kaedah 505.1(1) mestilah mengikut terma yang ditetapkan oleh Bank Negara Malaysia atau Suruhanjaya mengikut mana-mana yang berkenaan.

KAEDAH 506 PERTUKARAN NAMA

KAEDAH 506.1 PERTUKARAN NAMA

- (1) Apabila pesanan melalui padanan automatik dipadankan, TPM atau EPM yang memasukkan pesanan akan menerima butiran kaunterparti TPM atau EPM.
- (2) Jika TPM telah menghabiskan had penyelesaiannya atau tiada had penyelesaian dengan TPM kaunterpartinya, TPM atau EPM yang melaksanakan dagangan bagi pihak TPM boleh menggantikan kaunterparti TPM di bawah dagangan asal dengan kaunterparti lain yang mempunyai had penyelesaian yang sesuai, pada hari pasaran yang sama.
- (3) Pengaturan untuk menggantikan TPM kaunterparti di bawah dagangan asal sebagaimana yang diperihalkan dalam Kaedah 506.1(2) diistilahkan sebagai Pertukaran Nama. Pihak yang menggantikan kaunterparti TPM di bawah dagangan asal sebagaimana yang disebut dalam Kaedah 506.1(2) diistilahkan sebagai Kaunterparti Pengganti. Kaunterparti Pengganti tetap TPM.
- (4) TPM atau EPM mestilah memberitahu Bursa Bonds Pertukaran Nama dan pada masa pemberitahuan itu, sama ada menyediakan Bursa Bonds dengan Kaunterparti Pengganti atau meminta Bursa Bonds membantu dalam mendapatkan Kaunterparti Pengganti.
- (5) Bursa Bonds akan memaklumkan kaunterparti TPM atau EPM di bawah dagangan asal, niat TPM atau EPM untuk menjalankan Pertukaran Nama, sebelum Pertukaran Nama.
- (6) Jika ada Kaunterparti Pengganti, Bursa Bonds akan melaksanakan Pertukaran Nama yang akan menghasilkan pengaturan berikut antara pihak-pihak:
 - (a) jika TPM yang mempunyai isu penjelasan sebagaimana yang diperihalkan dalam Kaedah 506.1(2) ialah penjual di bawah dagangan asal:
 - (i) kontrak antara TPM yang menjual di bawah kontrak asal, untuk menjual dan Kaunterparti Pengganti untuk membeli saham di bawah dagangan asal; dan
 - (ii) kontrak antara TPM atau EPM yang membeli di bawah kontrak asal, untuk membeli dan Kaunterparti Pengganti untuk membeli saham di bawah dagangan asal.
 - (b) jika TPM yang mempunyai isu penjelasan sebagaimana yang diperihalkan dalam Kaedah 506.1(2) ialah pembeli di bawah dagangan asal:
 - (i) kontrak antara TPM yang membeli di bawah kontrak asal, untuk membeli dan Kaunterparti Pengganti untuk menjual saham di bawah dagangan asal; dan
 - (ii) kontrak antara TPM atau EPM yang menjual di bawah kontrak asal, untuk menjual dan Kaunterparti Pengganti untuk membeli saham di bawah dagangan asal.

KAEDAH 506.2 TIADA PEMBATALAN DAGANGAN ASAL

- (1) Jika Kaunterparti Penggantiyang sesuai tidak dijumpai, pembatalan dagangan asal tidak boleh dibuat oleh TPM atau EPM kecuali di bawah Kaedah 404.1(1)(c).

KAEDAH 507

FI PERDAGANGAN

KAEDAH 507.1 FI PERDAGANGAN

- (1) [Dipotong]
- (2) [Dipotong]

[Bab Tamat]

BAB 6

IKLAN DAN PERUNDINGAN

KAEDAH 601

IKLAN

KAEDAH 601.1 AM

- (1) TPM atau EPM boleh menyiar bida indikatif atau tawaran sebut harga atas mana-mana saham yang diterbitkan dalam FAST atau kelompok sebagaimana yang tersedia dalam ETP dengan tujuan mencari bida muktamad atau tawaran sebut harga daripada mana-mana TPM atau EPM. Proses ini disebut sebagai meletakkan Iklan ke dalam ETP dan boleh dibuat untuk mana-mana transaksi berikut:
 - (a) Sewaktu Terbitan;
 - (b) Jual Beli Mutlak;
 - (c) Repo;
 - (d) SBBA; dan
 - (e) SBL.
- (2) Bida indikatif atau tawaran sebut harga mestilah dalam asas perdaganganyang ditentukan dalam ETP.
- (3) Bida indikatif atau tawaran sebut harga dalam Iklan boleh dikeluarkan atau diubah suai dalam tempoh hari pasar yang sama yang Iklan itu disiarkan.
- (4) Iklan akan dibatalkan pada akhir hari pasaran Iklan itu disiarkan.
- (5) Bida muktamad atau tawaran sebut harga boleh dibuat sebagai respons kepada Iklan sama ada melalui Perundingan mengikut Kaedah 602 atau di luar ETP.
- (6) Iklan boleh disiarkan pada mana-mana hari pasaran dari Isnin hingga Jumaat (tertakluk kepada cuti umum dan cuti lain sebagaimana yang diisyiharkan oleh Bursa Bonds) dalam dua (2) sesi seperti berikut:
 - (a) Sesi pagi : 9.00 am hingga 12.30 pm
 - (b) Sesi petang : 2.30 pm to 5.00 pm

KAEDAH 601.2 AMAUN MINIMUM

- (1) Amaun minimum yang boleh diletakkan di dalam Iklan adalah seperti berikut:
 - (a) untuk semua transaksi yang dinyatakan dalam Kaedah 601.1(1) tidak termasuk Repo, dalam amaun minimum seribu Ringgit Malaysia (RM1000) atau gandaannya atau jika saham dalam denominasi mata wang selain daripada Ringgit Malaysia, dalam nilai seribu (1000) dalam mata wang itu atau gandaannya; atau
 - (b) dalam hal Repo, mengikut "Nota Panduan tentang Perjanjian Pembelian Semula" yang diterbitkan oleh Bank Negara Malaysia.

KAEDAH 601.3 PENGHANTARSAHAN DAN PENYELESAIAN

- (1) Tarikh penghantarsahan dan penyelesaian untuk dagangan yang boleh diselesaikan daripada Iklan adalah seperti yang dinyatakan dalam Jadual 3 melainkan TPM atau EPM menentukan tarikh lain di dalam Iklan.

KAEDAH602 PERUNDINGAN

KAEDAH 602.1 AM

- (1) TPM atau EPM boleh menyiar bida muktamad atau tawaran sebut harga atas mana-mana saham yang diterbitkan dalam FAST atau Kelompok sebagaimana yang tersedia dalam ETP kepada TPM atau EPM yang dikenal pasti. TPM atau EPM yang menerima bida muktamad atau tawaran sebut harga boleh menjawab mengikut cara berikut:
 - (a) Menerima bida muktamad itu atau tawaran sebut harga itu; atau
 - (a) Menyiar bida muktamad yang lain atau tawaran sebut harga yang lain.
- (2) Proses yang diperihalkan dalam Kaedah 602.1(1) disebut sebagai Perundingan dan boleh dibuat untuk mana-mana transaksi berikut:
 - (a) Sewaktu Terbitan;
 - (b) Jual Beli Mutlak
 - (c) Repo; dan
 - (d) SBBA.
- (3) Bida muktamad atau tawaran sebut harga yang disiarkan dalam Perundingan mestilah dalam asas dagangan sebagaimana yang ditentukan dalam ETP.
- (4) Bida muktamad atau tawaran sebut harga yang disiarkan dalam Perundingan boleh dibatalkan atau diubah suai sebelum penerimaan sebut harga pada hari pasaran yang sebut harga itu disiarkan.
- (5) Bida muktamad atau tawaran sebut harga di dalam Perundingan, jika tidak dibatalkan atau tidak diterima oleh TPM atau EPM, akan dibatalkan pada akhir hari pasaran.

KAEDAH 602.2 CATATAN SEBUT HARGA

- (1) Amaun minimum yang boleh diletakkan oleh TPM atau EPM di dalam Perundingan adalah seperti berikut:
 - (a) untuk semua transaksi yang dinyatakan dalam Kaedah 602.1(2) kecuali Repo, dengan amaun minimum seribu Ringgit Malaysia (RM1000) atau gandaannya atau jika saham atau Kelompok dalam denominasi mata wang selain daripada Ringgit Malaysia, dalam nilai 1000 dalam mata wang itu atau gandaannya; atau
 - (b) dalam hal Repo, mengikut "Nota Panduan tentang Perjanjian Pembelian Semula" yang diterbitkan oleh Bank Negara Malaysia.
- (2) TPM atau EPM mestilah menentukan semua maklumat sebagaimana yang dinyatakan dalam Kaedah 503.2 apabila menyiar bida muktamad atau tawaran sebut harga dalam Perundingan kecuali untuk maklumat yang dinyatakan dalam Kaedah 503.2(1)(c).

KAEDAH 602.3 PENGHANTARSAHAN DAN PENYELESAIAN

- (1) Tarikh penghantarsahan dan penyelesaian untuk dagangan yang boleh diselesaikan melalui Perundingan adalah seperti yang dinyatakan di dalam Jadual 3 melainkan jika TPM atau EPM menentukan tarikh lain di dalam Perundingan.

KAEDAH 602.4 PENYELESAIAN DAGANGAN MELALUI PERUNDINGAN

- (1) Setelah bida muktamad atau tawaran sebut harga disiarkan oleh TPM atau EPM di dalam Perundingan, hal berikut boleh berlaku:
- (a) TPM atau EPM yang menerima bida muktamad atau tawaran sebut harga boleh menerima sebut harga itu. Apabila diterima, sebut harga kemudiannya dipadankan dan serta-merta kontrak yang muktamad dan mengikat terbentuk antara TPM; atau
 - (b) TPM atau EPM yang menerima bida muktamad atau tawaran sebut harga boleh menyiar bida muktamad yang lain atau tawaran sebut harga yang lain kepada TPM atau EPM. TPM atau EPM itu boleh menjawab dengan sama ada menerima atau menyiar bida muktamad yang lain atau tawaran sebut harga yang lain. Apabila diterima, sebut harga kemudiannya dipadankan dan serta-merta kontrak yang muktamad dan mengikat terbentuk antara TPM.
- (2) Hal berikut terpakai jika menyiar bida muktamad yang lain atau tawaran sebut harga yang lain dalam menjawab kepada bida muktamad atau tawaran sebut harga yang diterima:
- (a) Penyiaran bida muktamad yang lain atau tawaran sebut harga yang lain dalam jawapan kepada bida muktamad atau tawaran sebut harga yang diterima boleh dibuat oleh salah satu pihak sehingga akhir hari pasaran apabila Perundingan bermula;
 - (b) Tiada had untuk menyiar bida muktamad yang lain atau tawaran sebut harga yang lain dalam menjawab kepada bida muktamad atau tawaran sebut harga yang diterima daripada salah satu pihak;
 - (c) Penyiaran bida muktamad yang lain atau tawaran sebut harga yang lain dalam jawapan kepada bida muktamad atau tawaran sebut harga yang diterima akan kekal dalam ETP sehingga akhir hari pasaran apabila Perundingan bermula;
 - (d) Jika penyiaran bida muktamad yang lain atau tawaran sebut harga yang lain dalam jawapan kepada bida muktamad atau tawaran harga yang diterima, dipersetujui oleh kaunterparti, sebut harga kemudiannya dipadankan dan serta-merta kontrak yang teguh dan mengikat terbentuk antara TPM; dan
 - (e) Apa-apa bida muktamad atau tawaran sebut harga yang disiarkan dalam Perundingan oleh salah satu pihak, jika tidak dipersetujui oleh salah satu pihak, akan dibatalkan pada akhir hari pasaran.
- (3) Setelah dagangan Kelompok dipadankan mengikut Kaedah 602.4, TPM penjual atau EPM penjual mestilah memasukkan ke dalam ETP butiran saham dalam Kelompok yang akan diserahkan dan diselesaikan kepada TPM pembeli atau EPM pembeli.

Bilangan saham yang boleh dimasukkan dan tempoh masa catatan perlu dibuat akan dinyatakan oleh Bursa Bonds.

- (4) TPM Pembeli atau EPM Pembeli apabila menerima maklumat saham seperti yang dinyatakan Kaedah 602.4(3) mestilah memasukkan ke dalam ETP persetujuan saham itu untuk penghantarserahan dan penyelesaian dalam tempoh masa yang ditetapkan oleh Bursa Bonds.
- (5) Kegagalan TPM atau EPM untuk memasukkan input sebagaimana yang diperlukan di bawah Kaedah 602.4(3) atau 602.4(4) akan mengakibatkan pembatalan dagangan oleh Bursa Bonds.

KAEDAH 602.5 TIADA PEMBATALAN

- (1) TPM atau EPM tidak boleh membatalkan kontrak yang terbentuk daripada Perundingan sebagaimana yang diperihalkan dalam Kaedah 602.4 kecuali menurut Kaedah 404 atau 602.4(5).

KAEDAH 603

PINDAAN-PINDAAN DAGANGAN

KAEDAH 603.1 KEADAAN-KEADAAN

- (1) TPM atau EPM boleh meminda mana-mana butiran bida atau tawaran sebut harga berikut yang telah dipadankan dalam Perundingan, untuk membetulkan apa-apa khilaf, tetapi hanya pada hari sebut harga itu dipadankan dan jika kontrak belum diserahkan atau dijelaskan lagi pada hari itu dalam RENTAS.
- (a) Daripada status bukan jualan singkat kepada status jualan singkat;
 - (b) jika jualan ditentukan sebagai jualan singkat, meminda amaun yang telah dijual singkat;
 - (c) Maklumat Klien; atau
 - (d) hasil kutipan daripada transaksi-transaksi yang ditentukan dalam Peraturan 602.1(2) yang telah pun dihitung di dalam ETP dengan persetujuan kaunter parti TPM kepada dagangan tersebut.
 - (e) Jika instrumen kewangan didagangkan atas Kelompok, saham hendaklah dihantarserah dan diselesaikan dalam Kelompok.
- (2) Pindaan-pindaan di atas boleh dibuat pada bila-bila masa semasa sesi-sesi berikut:
- (a) Sesi pagi : 9.00 am hingga 12.30 pm
 - (b) Sesi petang : 2.30 pm hingga 6.00 pm

KAEDAH 604 **FI**

KAEDAH 604.1 FI

- (1) [Dipotong]
- (2) [Dipotong]

KAEDAH 605

WAKTU PERUNDINGAN

KAEDAH 605.1 WAKTU PERUNDINGAN

(1) **Waktu:** Perundingan boleh dijalankan dalam ETP pada mana-mana hari pasaran dari Isnin hingga Jumaat (tertakluk kepada cuti umum dan cuti lain sebagaimana yang diisyiharkan oleh Bursa Bonds) dalam dua (2) sesi seperti berikut: –

- (a) Sesi pagi : 9.00 am hingga 12.30 pm
- (b) Sesi petang : 2.30 pm hingga 5.00 pm

[Bab Tamat]

BAB 7

**PELAPORAN DAN PENGESAHAN
TRANSAKSI LUAR ETP**

KAEDAH 701

**PELAPORAN DAN PENGESAHAN
TRANSAKSI LUAR ETP**

KAEDAH 701.1 AM

- (1) [Dipotong]
- (2) [Dipotong]
- (3) [Dipotong]
- (4) [Dipotong]
- (5) [Dipotong]
- (1) Semua pelaporan dan pengesahan transaksi Luar ETP mestilah sama ada dibuat berdasarkan saham atau Kelompok.
- (2) TPM atau EPM mestilah menentukan semua maklumat sebagaimana yang dinyatakan dalam Kaedah 503.2 apabila menyiarkan pelaporan dan pengesahan kecuali untuk maklumat yang dinyatakan dalam Kaedah 503.2(1)(c).

KAEDAH 701.2 PELAPORAN OLEH TPM

- (1) TPM yang menjual dalam transaksi Luar ETP, menjual sendiri atau melalui EPM untuk kedudukan proprietari sendiri atau untuk Kliennya mestilah melaporkan transaksi Luar ETP mengikut cara yang dinyatakan dalam Kaedah-kaedah ini atau Arahan-arahan.
- (2) TPM yang menjual boleh mewakilkan fungsi pelaporan transaksi Luar ETP kepada EPM jika transaksi Luar ETP itu dilakukan melalui EPM. Walau bagaimanapun, TPM kekal bertanggungjawab untuk pelaporan yang dibuat oleh EPM.
- (3) TPM yang membeli dalam transaksi Luar ETP, membeli sendiri atau melalui EPM untuk kedudukan persendirian sendiri atau untuk Kliennya mestilah mengesahkan dalam ETP pelaporan transaksi Luar ETP dibuat mengikut cara yang dinyatakan dalam Kaedah-kaedah ini atau Arahan.
- (4) TPM yang membeli boleh mewakilkan fungsi pengesahan transaksi Luar ETP kepada EPM jika transaksi Luar ETP itu dilakukan melalui EPM. Walau bagaimanapun, TPM kekal bertanggungjawab untuk pelaporan yang dibuat oleh EPM.
- (5) TPM bertanggungjawab untuk memastikan bahawa hanya transaksi Luar ETP yang sah dan sebenar dilaporkan dan disahkan dalam ETP.

KAEDAH 701.3 PELAPORAN OLEH EPM

- (1) EPM mestilah melaporkan semua transaksi Luar ETP, yang diurusniagakan melalui EPM bagi Klien selain daripada TPM, mengikut cara yang dinyatakan dalam Kaedah-kaedah ini atau Arahan.
- (2) EPM akan hanya melaporkan transaksi Luar ETP bagi TPM jika fungsi itu diwakilkan oleh TPM kepada EPM sebagaimana yang ditetapkan di bawah 701.2(2) dan (4).

KAEDAH 702

WAKTU PELAPORAN DAN PENGESAHAN

KAEDAH 702.1 MASA UNTUK PELAPORAN DAN PENGESAHAN DAGANGAN

- (1) Pelaporan dagangan dan pengesahan dagangan bagi transaksi Luar ETP akan dijalankan sepanjang waktu yang ditetapkan oleh Bursa Bonds.

KAEDAH 703 **PELAPORAN DAN PENGESAHAN**
TRANSAKSI LUAR ETP

KAEDAH 703.1 - PELAPORAN DAN PENGESAHAN TRANSAKSI LUAR ETP

- (1) TPM atau EPM yang menjual mestilah memulakan laporan transaksi Luar ETP dalam ETP dalam rangka masa sebagaimana yang ditetapkan oleh Bursa Bonds.
- (2) TPM atau EPM yang membeli mestilah mengesahkan transaksi Luar ETP dalam rangka masa sebagaimana yang ditetapkan oleh Bursa Bonds selepas TPM atau EPM yang membeli menerima permintaan untuk pengesahan yang dijana dalam ETP.
- (3) TPM atau EPM yang menjual mestilah, jika transaksi Luar ETP tamat selepas waktu pelaporan dagangan yang ditetapkan di bawah Kaedah 702.1, memulakan laporan transaksi Luar ETP dalam rangka masa sebagaimana yang ditetapkan oleh Bursa Bonds selepas permulaan waktu pelaporan seterusnya.
- (4) Jika TPM atau EPM ialah kedua-duanya TPM atau EPM yang menjual dan membeli, TPM atau EPM yang menjual dan membeli hanya perlu memulakan laporan transaksi Luar ETP dalam ETP.
- (5) Jika laporan transaksi Luar ETP yang dimulakan oleh TPM atau EPM yang menjual dalam ETP menurut Kaedah-kaedah ini masih belum disahkan oleh TPM atau EPM yang membeli sebelum berakhirnya hari pasaran yang laporan itu dimulakan, laporan itu akan luput pada akhir hari pasaran tersebut. Walau bagaimanapun, hal ini tidak menghalang Bursa Bonds daripada mengambil apa-apa tindakan yang wajar terhadap pembeli yang gagal mengesahkan dagangan dalam rangka masa yang ditetapkan di bawah Kaedah 703.1(2).
- (6) Dalam keadaan jika Pertukaran Nama yang disebut dalam Kaedah 506.1 telah berjalan, Kaunterparti Pengganti yang disebut dalam Kaedah 506.1 mestilah memulakan laporan transaksi Luar ETP yang berhasil daripada Pertukaran Nama tanpa mengira sama ada Kaunterparti Penggantialah TPM yang menjual atau membeli dalam proses Pertukaran Nama itu. Pihak dalam dagangan asal yang tertakluk kepada Pertukaran Nama mestilah mengesahkan transaksi Luar ETP yang dilaporkan oleh Kaunterparti Pengganti. Semua kaedah yang terpakai kepada TPM atau EPM yang menjual ini terpakai kepada Kaunterparti Penggantiyang memulakan pelaporan dan semua kaedah yang terpakai kepada TPM atau EPM yang membeli ini terpakai kepada pihak dalam dagangan asal yang membuat pengesahan.

KAEDAH 703.2 PELAPORAN TRANSAKSI LUAR ETP JIKA SAHAM DIGANTUNG DALAM ETP

- (1) Jika TPM atau EPM yang menjual tidak berupaya memulakan laporan transaksi Luar ETP atau TPM atau EPM yang membeli tidak berupaya mengesahkan pelaporan yang dibuat oleh TPM atau EPM yang menjual kerana saham digantung dalam ETP menurut Kaedah 403.1(2), TPM dan EPM mestilah melaporkan atau mengesahkan transaksi Luar ETP secara manual dengan menghantar butiran Transaksi Luar ETP kepada Bursa Bonds melalui faksimile supaya butiran itu boleh dimasukkan ke dalam ETP oleh Bursa Bonds bagi pihak mereka.

KAEDAH 703.3 PELAPORAN TRANSAKSI LUAR ETP SEPANJANG TEMPOH PENGGANTUNGAN ATAU PEMBERHENTIAN KEMUDAHAN DAN KEGAGALAN SISTEM

- (1) Jika TPM atau EPM tidak berupaya untuk memulakan laporan atau mengesahkan transaksi Luar ETP kerana penggantungan atau pemberhentian kemudahan dalam ETP dalam hal keadaan yang dinyatakan dalam Kaedah 201.1(1)(d) dan 201.2, TPM dan EPM mestilah melaporkan atau mengesahkan secara manual transaksi Luar ETP kepada Bursa Bonds mengikut Arahan yang diterbitkan oleh Bursa Bonds.
- (2) Jika TPM dan EPM tidak berupaya memulakan laporan atau mengesahkan transaksi Luar ETP dalam ETP disebabkan oleh kegagalan sambungan TPM atau EPM ke sistem ETP, TPM dan EPM mestilah melaporkan transaksi Luar ETP secara manual kepada Bursa Bonds dengan menghantar butiran transaksi Luar ETP kepada Bursa Bonds melalui faksimile sebagaimana yang ditetapkan oleh Bursa Bonds supaya butiran itu boleh dimasukkan ke dalam ETP oleh Bursa Bonds bagi pihak mereka.

KAEDAH 703.4 PELAPORAN TRANSAKSI LUAR ETP JIKA AKSES TPM ATAU EPM KEPADA KEMUDAHAN DALAM ETP DIGANTUNG ATAU DITAMATKAN

- (1) Jika akses TPM atau EPM kepada semua kemudahan dalam ETP digantung atau ditamatkan menurut Kaedah 302.6(1) dan Kaedah 303.6(1), TPM atau EPM mestilah melaporkan atau mengesahkan transaksi Luar ETP secara manual kepada Bursa Bonds dengan menghantar butiran transaksi Luar ETP kepada Bursa Bonds melalui faksimile seupaya butiran itu boleh dimasukkan ke dalam ETP oleh Bursa Bonds bagi pihak mereka.

KAEDAH 704

**PINDAAN DAN PEMBATALAN LAPORAN
TRANSAKSI LUAR ETP DALAM ETP**

KAEDAH 704.1 - PINDAAN LAPORAN TRANSAKSI LUAR ETP

- (1) TPM atau EPM boleh meminda mana-mana butiran transaksi Luar ETP berikut yang telah dilaporkan atau disahkan, untuk membentulkan apa-apa khilaf tetapi hanya pada hari pelaporan dan pengesahan itu dibuat dan jika transaksi belum diserahkan atau dijelaskan lagi dalam RENTAS.
 - (a) daripada status bukan jualan singkat kepada status jualan singkat;
 - (b) jika jualan ditentukan sebagai jualan singkat, meminda amaun yang telah dijual singkat;
 - (c) Maklumat Klien; atau
 - (d) hasil daripada transaksi Luar ETP yang telah pun dihitung dalam ETP dengan persetujuan kaunterparti TPM kepada dagangan.
- (2) Pindaan di atas boleh dibuat pada bila-bila masa pada hari dagangan diputuskan sepanjang sesi berikut:
 - (a) Sesi pagi : 9.00 am hingga 12.30 pm
 - (b) Sesi petang : 2.30 pm hingga 6.00 pm
- (3) Jika khilaf berhubung dengan apa-apa maklumat dalam laporan transaksi Luar ETP hanya dikesan selepas hari pasaran yang transaksi Luar ETP itu dilaporkan dan disahkan, TPM atau EPM mestilah menulis kepada Bursa Bonds untuk meminta pindaan itu sebelum 5.00 pm pada hari pasaran. Bursa Bonds akan membuat pindaan antara 5.00 pm hingga 6.00 pm pada hari permintaan, jika permintaan untuk pindaan itu dibuat dalam tempoh enam (6) bulan daripada tarikh transaksi Luar ETP itu dilaporkan dalam ETP.

KAEDAH 704.2 - PEMBATALAN LAPORAN TRANSAKSI LUAR ETP

- (1) TPM atau EPM boleh membatalkan mana-mana transaksi Luar ETP yang telah dilaporkan atau disahkan pada hari yang sama yang pelaporan dan pengesahan itu dibuat dan jika transaksi belum lagi diserahkan atau dijelaskan dalam RENTAS dengan menyatakan sebab pembatalan itu tetapi haya dalam hal keadaan berikut:
 - (a) jika kedua-dua TPM atau EPM yang menjual dan membeli telah bersetuju untuk membatalkan transaksi Luar ETP; atau
 - (b) jika kedua-kedua TPM atau EPM yang membeli dan menjual bersetuju dengan pembatalan itu kerana khilaf yang dibuat dalam pelaporan berhubung dengan maklumat selain daripada maklumat dalam Kaedah 704.1(1). Dalam kes ini, pihak berkenaan mestilah melaporkan sekali lagi transaksi Luar ETP mengikut Kaedah 703.1.
- (2) Semua pelaporan dan pengesahan dagangan saham Sewaktu Terbitan akan dibatalkan serta-merta jika saham tidak diterbitkan dalam FAST pada tarikh terbitan atas apa-apa sebab. Oleh hal yang demikian, Bursa Bonds tidak bertanggungjawab terhadap apa-apa kehilangan atau kerugian yang ditanggung oleh mana-mana pihak yang berbangkit daripada pembatalan itu.

[Bab Tamat]

BAB 8

PENGUMUMAN DALAM ETP

BAB 801

PENGUMUMAN

KAEDAH 801.1 AM

- (1) Semua TPM dan EPM boleh menyiar maklumat berhubung dengan saham atau Kelompok yang tersedia dalam mana-mana kemudahan yang ditetapkan dalam Kaedah 401.1(1), sebagaimana yang diperuntukkan dalam Arah. Berhubung dengan GPM, hanya GPM yang dibenarkan secara nyata oleh Bursa Bonds untuk menyiar maklumat itu boleh melakukannya.
- (2) Siaran maklumat di atas dalam ETP disebut sebagai membuat Pengumuman.
- (3) Semua Pengumuman boleh diakses oleh semua Peserta ETP sepanjang Waktu Pengumuman yang dinyatakan dalam Kaedah 801.3.

KAEDAH 801.2 TEMPOH SAH PENGUMUMAN

- (1) Peserta mestilah menentukan tarikh tamat Pengumuman apabila menyiar Pengumuman dalam ETP. Jika tarikh tamat tidak dinyatakan, tarikh tamat Pengumuman akan dikira sebagai 30 hari kalendar dari hari Pengumuman itu dibuat.
- (2) Peserta boleh, sebelum tarikh tamat Pengumuman, membatalkan atau meminda Pengumuman yang dibuat.
- (3) Pengumuman akan dibatalkan daripada sistem pada tarikh tamat pada akhir hari pasaran.

KAEDAH 801.3 WAKTU PENGUMUMAN

- (1) Pengumuman boleh disiarkan pada hari pasaran dari Isnin hingga Jumaat (tertakluk kepada cuti umum dan cuti lain sebagaimana yang diisyiharkan oleh Bursa Bonds) dalam dua (2) sesi seperti berikut:
 - (a) Sesi pagi : 9.00 am hingga 12.30 pm
 - (b) Sesi petang : 2.30 pm hingga 5.00 pm

KAEDAH 801.4 KEGAGALAN SISTEM

- (1) Jika terdapat kegagalan penyambungan TPM atau EPM ke sistem ETP menyebabkan TPM atau EPM tidak boleh membuat Pengumuman dalam ETP, TPM atau ETP mestilah menghantar secara manual Pengumuman kepada Bursa Bonds melalui faksimile sebagaimana yang ditetapkan oleh Bursa Bonds supaya Pengumuman itu boleh dimasukkan ke dalam ETP oleh Bursa Bonds bagi pihak mereka.

KAEDAH 802 OBLIGASI BERHUBUNG DENGAN PENGUMUMAN

KAEDAH 802.1 OBLIGASI

- (1) Peserta yang membuat Pengumuman mestilah memastikan bahawa maklumat yang disiarkan adalah sebagaimana berikut:
 - (a) berdasarkan fakta, jelas, nyata dan tepat; dan
 - (b) tidak palsu, mengelirukan atau memperdaya.
- (2) Bursa Bonds boleh mengarahkan Peserta untuk menarik balik atau mengubah atau menukar tarikh tamat Pengumuman jika ia sifatkan perlu.
- (3) Bursa Bonds, dengan membenarkan Peserta menyiarkan Pengumuman dalam ETP, tidak mengesahkan ketepatan atau kebenaran maklumat yang disiarkan. Oleh hal yang demikian, Bursa Bonds tidak bertanggungjawab terhadap apa-apa kehilangan atau kerugian yang ditanggung oleh mana-mana pihak yang berbangkit daripada pergantungan pada apa-apa Pengumuman yang disiarkan dalam ETP.
- (4) Peserta bertanggungjawab terhadap semua Pengumuman yang dibuat oleh Peserta itu dalam ETP. Berkenaan dengan hal ini, Peserta akan menanggung rugi Bursa Bonds terhadap semua kehilangan atau kerugian yang ditanggung oleh Bursa Bonds yang berbangkit daripada Pengumuman Peserta walaupun jika Pengumuman itu dibuat oleh Peserta bagi pihak lain.

KAEDAH 803 PENGANTUNGAN PENGUMUMAN

KAEDAH 803.1 HAL KEADAAN

- (1) Bursa Bonds boleh mengantung Peserta daripada membuat Pengumuman dalam hal keadaan berikut:
- (a) berhubung dengan saham tertentu, jika saham itu telah digantung dalam FAST; atau
 - (b) dalam hal keadaan yang dinyatakan dalam Kaedah 201.19(d) dan Kaedah 202.

[Bab Tamat]

BAB 9

TINDAKAN BAGI PELANGGARAN

KAEDAH 901 KUASA

KAEDAH 901.1 KUASA

- (1) Jika Peserta melakukan apa-apa pelanggaran Kaedah-kaedah ini atau Arahan, Bursa Bonds boleh, setelah rundingan dengan Suruhanjaya, mengambil mana-mana tindakan berikut terhadap Peserta:
- (a) mengarahkan mana-mana tindakan diambil untuk meremedi pelanggaran itu;
 - (b) amaran;
 - (c) teguran peribadi;
 - (d) mengenakan sekatan atau menggantung atau menamatkan akses kemudahan dalam ETP kecuali Pelaporan atas terma itu sebagaimana yang Bursa Bonds sifatkan patut; atau
 - (e) mengenakan apa-apa tindakan lain sebagaimana yang Bursa Bonds sifatkan patut.

KAEDAH 901.2 PEMBERITAHUAN

- (1) Bursa Bonds akan, sebelum mengambil apa-apa tindakan di bawah Kaedah 901.1, memberitahu Peserta secara bertulis pelanggaran yang dikatakan dan menyediakan Peserta peluang untuk menerangkan dalam rangka masa yang dinyatakan dalam notis.
- (2) Setelah mempertimbangkan penjelasan yang diberikan, jika Bursa Bonds dapat bahawa pelanggaran telah dilakukan oleh Peserta, Bursa Bonds akan memberitahu Peserta secara bertulis tindakan yang diambil terhadap Peserta.
- (3) Apa-apa ketidakpatuhan dengan tindakan yang diambil di bawah Kaedah 901.1 dan apa-apa terma yang dikenakan dalam notis keputusan oleh Peserta akan dianggap sebagai pelanggaran Kaedah-kaedah ini dan tindakan selanjutnya boleh diambil.

KAEDAH 902 RAYUAN

KAEDAH 902.1 HAK RAYUAN

- (1) Peserta boleh merayu terhadap apa-apa tindakan yang diambil di bawah Kaedah 901.1 dalam tempoh empat belas (14) hari dari penerimaan notis di bawah Kaedah 901.2.
- (2) Penguatkuasaan tindakan terhadap Peserta akan digantung sementara menunggu keputusan rayuan.
- (3) Jika Bursa Bonds menolak rayuan itu, tindakan di bawah Kaedah 901.1 akan berkuat kuasa terhadap Peserta.

[Tamat Bab 9]

LAMPIRAN I

SURAT AKU JANJI

Kepada

Bursa Malaysia Bonds Sdn Bhd
Exchange Square
Bukit Kewangan
50200 Kuala Lumpur

Pematuhan Kaedah-kaedah dan Arahan-arahan

Sebagai balasan Bursa Malaysia Bonds Sdn Bhd meluluskan permohonan untuk pendaftaran [masukkan nama pemohon] sebagai seorang[masukkan kategori peserta], *SAYA/KAMI DENGAN INI MENGAKU DAN BERSETUJU untuk mematuhi Peraturan Bursa Malaysia Bonds Sdn Bhd dan apa-apa arahan yang diterbitkan di bawahnya yang akan berkuat kuasa dari masa ke masa.

***Surat aku janji di atas telah ditandatangani oleh saya sebagai [jawatan] bagi[nama syarikat pemohon] menurut kuasa yang diberikan kepada saya oleh ketetapan lembaga pengarah Syarikat pada

Tarikh:

Tandatangan:

Nama:

*Potong mana yang tidak berkenaan

**Untuk diisi jika pemohon ialah syarikat

[Tamat]

JADUAL 1 (Bab 2)

JADUAL 1 (Bab 2)
[Kaedah 201.3(1)]

FI DAN CAJ

KAEDAH	TRANSAKSI	FI
501.1	Padanan Automatik	TPM atau EPM mestilah membayar Bursa Bonds sepuluh Ringgit Malaysia (RM10) bagi setiap sejuta Ringgit Malaysia (RM1 juta) pesanan belian atau jualan yang dipadankan dalam ETP.
602.1	Perundingan	TPM atau EPM mestilah membayar Bursa Bonds sepuluh Ringgit Malaysia (RM10) bagi setiap sejuta Ringgit Malaysia (RM1 juta) atau kurang pesanan belian atau jualan yang dipadankan melalui Perundingan.

JADUAL 2 (Bab 4)

JADUAL 2 (Bab 4)
[Kaedah 402.5(1)]

INSTRUMEN KEWANGAN BAGI DAGANGAN KELOMPOK

BIL PERBENDAHARAAN MALAYSIA

BIL PERBENDAHARAAN ISLAM MALAYSIA

NOTA MONETARI BANK NEGARA

NOTA MONETARI ISLAM BANK NEGARA

JADUAL 3 (Bab 5)

**JADUAL 3 (Bab 5) INSTRUMEN KEWANGAN BAGI PERDAGANGAN JUAL BELI MUTLAK
SEWAKTU TERBITAN**
[Kaedah 501.1(2)]

Terbitan Pelaburan Kerajaan	RM5 juta atau gandaannya	Perdagangan Jual Beli Mutlak	T + 2 dalam RENTAS
		Dagangan Sewaktu Terbitan	I + 2 dalam RENTAS
Bil Perpendaharaan Malaysia	RM5 juta atau gandaannya	Perdagangan Jual Beli Mutlak	T + 1 dalam RENTAS
		Dagangan Sewaktu Terbitan	I + 1 dalam RENTAS
Bil Perpendaharaan Islam Malaysia	RM5 juta atau gandaannya	Perdagangan Jual Beli Mutlak	T + 1 dalam RENTAS
		Dagangan Sewaktu Terbitan	I + 1 dalam RENTAS
Nota Monetari Bank Negara	RM5 juta atau gandaannya	Perdagangan Jual Beli Mutlak	T + 1 dalam RENTAS
		Dagangan Sewaktu Terbitan	I + 1 dalam RENTAS
Nota Monetari Islam Bank Negara	RM5 juta atau gandaannya	Perdagangan Jual Beli Mutlak	T + 1 dalam RENTAS

Jadual 3 (Bab 5)

		Dagangan Sewaktu Terbitan	I + 1 dalam RENTAS	
Sekuriti Hutang Swasta	RM1 juta	Perdagangan Jual Beli Mutlak	T + 2 dalam RENTAS	
		Dagangan Sewaktu Terbitan	I + 2 dalam RENTAS	